

古今姓氏書辨證卷十一

五肴


浚

姓苑曰漢書浚孔車收葬主父偃時種爲長者誤矣此浚人孔車非名孔車以浚爲氏

巢

春秋時巢邑大夫牛臣亦或以巢爲氏後世望出魯國者王僧孺百家譜云河內苟超娶魯國巢正女又有巢猗著音釋三卷望出義興者宋中書舍人巢尚之立孫公逸爲唐尚藥奉御世傳醫術今稱爲巢氏病源者

茅



出自姬姓周文公第三子茅叔封於其地高平昌邑縣西
茅鄉是也子孫以國爲氏後世樂安太守茅容後居陳留
及晉陵宋茅嵩後居廣陵

包

上黨包氏出自楚大夫包胥有乞師於秦存國之功食邑
於申謂之申包胥子孫徙居上黨 丹陽包氏其先泰山
鮑氏王莽時避難去魚爲包

苞

出姓苑

麋

風俗通云秦皇將軍麋公之後後漢有麋祀魯有麋歆

茅夷

元和姓纂曰邾大夫茅夷鴻之後見左傳謹按世無此氏而春秋時夷鴻姓茅氏謂之茅成子則後世子孫何至乃以茅夷爲氏考之義理極無依據凡姓纂中誤引經傳增收入姓如罕夷者數十如茅夷者又數十皆當時門生討論者淺陋訛謬雜之以穿鑿臆說刊修官未嘗攷按本書因而附列今舉凡以辯之如此類者悉皆駁正

六豪

高

高氏出自姜姓齊太公六世孫文公赤生公子高其孫侯爲齊上卿與管仲合諸侯有功威公命侯以王父字爲氏

食采於盧諡曰敬仲世爲上卿敬仲生莊子虎虎生頃子

頃子生宣子固固生厚厚生子麗麗生止按襄二十九年左傳疏引世

本作厚生止奔燕十世孫量爲宋司城後入楚又十世孫洪後

漢渤海太守因居渤海修縣洪四世孫褒字宣仁太子太

傅褒生承字文休國子祭酒東莞太守生延字慶壽漢中

太守延生納字孝本魏尙書郎納生達字式遠吏部郎中

江夏太守四子約義案唐世系表義作父隱漢隱晉立黃太守生慶

北燕太子詹事司空三子展敬泰展後魏黃門侍郎二子

讜頤讜莫青二州中正滄水康公二子祚祐祐字子集光

祿大夫建康靈侯二子和璧振和璧字僧壽後魏中書博

士下博公生顥案魏書高祐傳唐世系表顥俱作顥字門賢輔國將軍延

康惠公

案唐世系表作建康惠子

振生石字安表

案唐世系表振二子長石安次表今作一

人與表異

後魏安德太守生隋萬年令衡衡生元道仲仁季輔

季通季輔相唐太宗

案唐世系表作相太宗高宗考宰相表季輔以貞觀十九年入相而薨

子永徽四年此止云相唐太宗誤

泰北燕吏部尚書中書令二子韜湖湖

後魏寧西右將軍生謚侍御史謚生樹生及翻樹生生歡

北齊高祖神武皇帝世系在北齊書及北史翻字飛雀後

魏侍御中散孝宣公生岳字洪略北齊太保清河昭武王

岳生勵字敬德隋洮州刺史樂安侯生宗儉字子廉

案宗儉

本傳單名儉子廉作士廉

相唐太宗六子文敏質行真行審行知名

原闕

一人。案唐世系表列文敏等四人而本傳則云履行審行真行知名謂惟三子有名於時也此作知名亦此意編

校者誤以爲人名通上計之適得六子之五故注原闕一人四字非是

文敏字履行戶部尚

書駙馬都尉生璇瑾質行主客郎中眞行左驍衛將軍生

岐

○案唐世系表無岐

嶠峻峻殿中丞蒲州長史生餘杭令迴迴生

彪著作郎崇賢館學士生某

案彪生晟及集此某字應卽晟避宋諱

及集集

太原少尹兼御史中丞生允恭少逸元裕元裕字景珪初
名允中吏部尙書渤海縣男子璩字瑩之相唐懿宗以上
出唐宰相世系表及元和姓纂按姓纂及唐表載高氏事
詳矣然猶有小誤考之春秋高侯乃天子之命卿其得氏
在威公前非有合諸侯之功而後得氏也魯莊公九年齊
桓公入鮑叔薦管仲於公曰管夷吾治於高侯是侯已爲
高氏矣十五年復會于鄆桓公始霸十六年盟諸侯於幽
二十七年又盟于幽三十年北伐山戎閔公元年存魯難

經書齊高子來盟僖公元年救邢遷於夷儀又會諸侯于
榿二年救衛封之于楚邱又盟宋及江黃于貫三年會於
陽穀四年以諸侯之師侵蔡伐楚責包茅之貢盟屈完于
召陵始大霸諸侯五年以諸侯會王世子于首止七年盟
于甯母八年盟于洮九年盟于葵丘天子賜之胙十三年
會于鹹十五年盟于牡丘十六年桓公卒凡在位四十有
二年桓公之盟莫盛於召陵首止會莫盛於葵丘功莫盛
於救邢存衛存魯北伐山戎南伐楚定王世子而皆在于
卽位十年之間則高侯之氏何與于有功又管仲平戎於
王辭上卿饗禮則曰臣賤有司也有天子之二守國高在
則高氏爲命卿卿亦已久矣侯之前已有高渠彌高克爲鄭

大夫則齊之高氏其先亦已仕鄭非待侯而賜氏也又春

秋高無咎之子弱以盧叛高止字子容奔燕其子豎不得

立齊人立恭仲之曾孫酈爲高氏後酈旣立其宗有高發

高偃

○案杜氏世族譜以酈偃爲一人

高昭子昭子名齋一名齧字子將

爲梁丘據家臣高無不奔北燕皆見於昭定哀之世則酈

之後不爲無人至孔子弟子有高柴字子羔亦出定哀間

孟子弟子有高叟出六國時宜皆爲高酈裔孫今以量爲

止十四世孫而棄酈則世次有疑今辯其誤以見姓氏舊

無全書云漢公孫丞相故人高賀告人曰弘內厨五鼎外

膳一肴安可示天下弘曰寧逢惡賓無逢故人又酷吏傳

涿大姓西高氏東高氏自郡吏以下皆畏避之莫敢與牾

咸曰寧負二千石無負豪大家師古曰兩高氏各以所居
東西爲號者後漢京兆高恢字伯通隱華陰山中與梁鴻
善南陽逸人高鳳字文通見逸民傳後周賜武陽高賓姓
獨孤隋初復舊子頴曾獻 河南高氏後魏官氏志有婁
氏案後魏志有婁氏作是樓氏改高氏隋吏部侍郎高孝基名知人房
元齡高士廉微時皆爲其所知

皐

後漢桓榮薦揚州從事皐弘字奏卿吳縣人家世衣冠子
徽司徒長史元和姓纂曰望出廣陵後漢梁鴻夫婦依吳
大家皐伯通居廡下伯通察其妻舉案齊眉異之曰非凡
人也乃舍之於家

勞

晉有三公渤海勞霸

案後漢有瑯邪勞丙

牢

古牢子之後漢有尚書僕射牢梁春秋時齊大夫牢成前

軍御

案此下疑有脫文

又魏將軍牛金亦嘗避難改牢氏

毛

案此條原本次曹氏後依廣韻移正

漢有畫工毛延壽晉巴西郡丞毛植唐時滎陽河陽北地

毛氏世系皆具元和姓纂

案姓纂毛氏今缺

延壽畫人形醜好老

少必得其真

褒

出自姁姓夏禹之後爲諸侯以國爲氏其地梁州褒城是

也又河南褒氏後魏官氏志代北達勃氏改焉宋有太子
洗馬褒希儼

陶

姓書云出自陶唐氏之後以國爲姓誤矣謹按風俗通曰
氏於事者巫卜陶匠周成王分康叔以商民七族一曰陶
氏卽其後也後世望出丹陽晉太尉侃之祖父同始居焉
同生丹吳揚武將軍柴桑侯遂居其地生侃字士衡娶十

五妻生二十三子

案陶侃傳士衡作士行二
十三子作十七子與此異

二子少亡二

十一子官至太尉

○案原本誤作太尉
守據晉書本傳改

侃生員外散騎岱

案

潛傳祖茂昌武太守此言
潛祖員外散騎岱亦異

岱生晉安城太守逸逸生彭澤

令贈光祿大夫潛潛生族人熙之

案晉書宋書陶潛傳俱
不載其子然潛五子侯

儼佚佚見潛誠子書無熙之名潛生族人四字應有脫誤

宋度支尚書熙之生梁邵陵

內史測測生吏部尚書閔生隋散騎常侍元安元生陳夔州都督尚書令金陵縣公琮琮生唐韶州始興令處寂滁江二州刺史銳賀州錄事叅軍文禎處寂生唐滕王府陪戎副尉先期先期生光廷光廷生如革及江州刺史祥如革生進金進金生淮南威毅第二十將茂麟茂麟生左中衛將軍若思若思生左驍衛將軍鑑

桃

其先食邑桃止氏焉或曰周官攻金之工有桃氏爲劍者以世官爲氏後慕容熙幸臣桃仁北燕馮素拂以秦趙勲臣子弟桃豹爲右常侍

敖

高陽氏別號大敖其後有敖氏唐有敖頴進士第望出魯國

曹

出自高陽之後陸終第六子安爲曹姓裔孫曹挾周武王封之於邾其地魯國鄒縣是也十四代孫文公遷於繹至戰國時距挾凡三十九世而楚滅之封其君爲鉅鹿侯漢相國平陽侯參生侍中窋後徙居杜陵後漢扶風曹世叔娶同郡班彪女名昭字惠班生子成齊相關內侯成子子穀中散大夫昭壻之妹曰曹生孝女曹娥會稽上虞人父盱絃歌爲巫祝溺死燉煌太守曹原缺益州太守曹謙金城

西部都尉曹鳳

原缺

唐河南曹氏確字剛中相懿宗世系

在唐表或曰姬姓周文王子振鐸封爲曹伯至伯陽爲宋
所滅子孫亦以國爲氏魏太祖卽其後也誤矣當伯陽未
亡時已有曹氏則魏亦當爲陸終之後特史臣失於稽攷
因成傳會之文爾今望出譙國者漢丞相平陽侯參始居
沛國譙縣望出金鄉者唐御史中丞懷舜之後出齊郡亭
山縣者唐金部郎中長史之後出東海者晉吏部尙書簡
之後出陳留者晉陳留太守同之後出清和者晉清河太
守泓之後出鉅鹿者魏太尉洪之後 宋真定靈壽曹氏
同生業業生成德軍兵馬使芸芸生彬字國華太師兼侍
中樞密使贈中書令濟陽武惠王加贈韓王有傳生璨璉

珣璋玳瑁琮璵字韜光殿前都指揮使河陽節度同中書門下平章事贈中書令諡武懿有傳生儀伸儀字摺臣耀州觀察使知渭州有傳生內殿崇班詠閤門通事舍人諡謂西京左藏庫副使湯左侍禁談詠生文思副使明侍禁暖明生濟涇澤暖生淵詒生內殿承制昉昉生湜泌謂生文思副使昕昕生演沘濬湯生奉職昭談生評事晁昞昶伸東頭供奉官璉滑州都指揮使無子珣娶秦王女昭宣使恩州團練使生右侍禁倫及偕倫生內殿承制訥訥生侍禁諫偕字光道衛州防禦使知河陽有傳生大理寺丞諤侍禁詒內殿崇班諡詒生曦璋字寶臣宣徽北院使簽書樞密院彰武軍節度使贈侍中諡武穆有傳生禮賓

使僖內殿崇班侍供備庫副使侯倩僖生供備庫副使諒
左藏庫副使說內殿崇班譚誼諷諒生奉職曠侍禁盱殿
直覲內殿承制昉侍禁暎說生評事昧諷生評事閔譚生
奉禮郎杲昇誼生供奉官暉內殿崇班暉侍禁映暄暉生
浹洞暄生沖涓俊生供備庫副使諮諮生暉昭暉生濡玪
左藏庫副使昭生殿直僈三班奉職估文思使僅左藏庫
副使備僈僈生左藏庫副使譚譚生內殿承制昉供奉官
晁侍禁曷奉禮郎易晁生淑沔湘測漑僅生左侍禁譚
殿直證內殿承制詔譚生侍禁皎殿直譜詔生曠奉禮昉
備生大理評事營僈生內殿承制誨殿直論玪虞部員外
郎贈太師尙書令兼中書令吳王生傳佾億女爲慈聖光

獻皇后傳四方館使榮州刺史生供備庫副使誦誦生大
理評事景侑字伯容保靜保平軍節度使守太保贈太師
沂王有傳生皇城副使評東頭供奉官誠六宅副使諭文
思副使詳皇城副使諶東上閤門誘誠生侍禁晏昉昇奉
禮郎昱供奉官晟億萊州防禦使生內殿崇班讀皇城副
使誌誌生昂昱珣東上閤門使儀州刺史有傳生文思副
使傑左藏副使依東頭供奉官俊文思副使侁傑生三班
奉職誥依生侍禁誼俊生供奉官譙譏侁生供奉官計殿
直讚計生時琮爲侍衛親軍馬步軍都指揮使有傳生皇
城使嘉州刺史脩西京左藏庫使任六宅副使侔左藏庫
使偃六宅副使伉左班殿直備修生供奉官誠侍禁誦內

殿承制諫供奉官侍禁許殿直譔諫生昱旦訪生暄曠任
生侍禁診奉禮郎訖侍禁暨供奉官諺殿直調諺生渙

皐落

○案此條原本次饗
饗氏後依廣韻移正

出自隗姓赤狄別種居東山者以國爲氏

饗饗

○案此條原本次曹
止氏後依廣韻移正

南史梁武陵王紀舉兵敗有司請絕屬籍元帝賜姓饗饗
氏

陶止

元和姓纂曰帝堯子居陶止因氏焉齊大夫陶止德漢侍
御史陶止仁後漢陶止仁子林生魏安定太守壹壹生晉
陳留太守達江左有陶止父之漢末有平原陶止隆舉劉

岱劉繇者

陶叔

出自周成王子陶叔之後以國及王父字爲氏

曹牟

姓解曰先賢傳有兗州刺史曹牟君卿平昌人

曹止

元和姓纂曰漢季布傳有曹止生謹按曹止生轅固生皆以諸生顯名故姓名之下稱生傳曰季布之名曹止揚之也然則曹止本非複姓林氏誤矣

古今姓氏書辨證卷十一終

古今姓氏書辨證卷十二

七歌

柯

齊西陵王典籤

案齊書柯益孫齊郡人
官典籤疑此有脫文

柯氏今望出齊郡

又後魏柯祗改爲河南柯氏

多

謹按漢功臣表多軍故東越將漢兵至棄軍降武帝元封
元年封無錫侯千戶薨子卯嗣侯延平四年坐與歸義趙
文王將兵追反虜弘農擅棄兵還贖罪免李奇注兩粵傳
及漢書音義皆曰多軍名也且粵姓騶氏則多軍宜姓騶
然其子卯不以姓著則必以多爲氏矣近世臨川有瘍醫

能攻治傷折者皆多氏而不知其所自出若非無錫侯卯之裔必多于多蘭之類有單爲多氏者今闕之以傳疑唐坻正郡六姓一曰多

佗

漢游俠傳東道佗羽公子注曰姓佗名羽字公子

羅

春秋時楚莫敖屈瑕伐羅羅人乘其無備與盧戍夾攻之屈瑕不能克其後楚復伐羅并其國子孫以爲氏或曰出自妘姓祝融之後蓋其遠裔也

案世本夏有武羅其後氏焉周官大羅氏掌鳥獸其

後亦以爲氏又急就篇羅氏顓頊後封於羅子孫以爲氏左傳注羅熊姓一曰祝融之後妘姓羅國爲楚所滅其後
號羅
侯氏元和姓纂有齊郡襄陽河東三族後漢蜀人羅橫應

募殺羌呂叔都封侯晉益州刺史尙蜀李特將準益州牙
門將羅特李離部將羅兼略陽羅恒爲李壽征東長史壽
僭立用爲股肱南秦鎮軍將軍羅敦唐益州蜀郡三姓洪
州豫州六姓皆其一也天祐中起居郎羅袞字子制有集
二卷羅浩原羅鄴皆有詩一卷襄陽羅氏隋監門將軍
榮徙京兆之雲陽生藝字子廷唐開府儀同三司燕王弟
壽監門將軍杭州錢唐羅氏給事中隱爲錢氏幕客有
詩名號江東集江南羅氏後魏官氏志代北斛瑟羅氏
吐羅氏並改焉五代時有玉笥山道士隱之與鄭雲叟同
時者河南令貫以諫莊宗知名者東川將璋事顏暉者

那

風俗通曰朝那東夷也以國爲氏其後單爲那氏燕有遼
西太守那頡

何

出自姬姓唐叔十一世孫萬食采韓原遂爲韓氏後爲秦
所滅子孫散居陳楚江淮間以韓與何近隨聲變爲何氏
前漢司空何武後漢大將軍何進及何敞晉外戚何晏皆
有傳元和姓纂曰望出廬江丹陽東海齊郡

阿

風俗通曰伊尹爲阿衡子孫以官爲氏 河南阿氏官氏

志阿伏氏阿賀氏並改爲阿氏

○案今本官氏志無此文

唐明皇時朔

方節度使阿布思乃九姓首領姓阿名布思

柯祗

祗一作枝

後魏官氏志代北有柯祗

案今本官氏志祗作拔

氏後改爲柯氏

多蘭

代北多蘭部大人因以爲氏

羅侯

羅君之後支孫氏焉晉中山王司馬服妃蜀郡有羅侯氏
北史代人羅結其先領部落爲魏附臣結爲外都大官總
三十六曹事年一百一十詔聽歸老賜大甯東川爲私第
別業并築城號曰羅侯城朝廷每有大事驛馬詢問焉年
一百二十卒

何奈

匈奴單于之裔歸漢爲何奈氏晉幽州牧王浚有將軍何奈虎

荷訾

代北人姓

阿跌

唐回鶻九姓一曰阿跌亦曰阿唎或爲跌跌與拔野古等皆朝以其地爲雞田州開元中跌跌思泰自突厥默啜所來降其後光進光顏以功臣至大官賜姓李氏

阿熱

唐回鶻傳黠戛斯古堅昆國也自言李陵之後其君曰阿熱遂姓阿熱氏駐牙青山自阿熱牙至回鶻所橐駝四十

日行譯者曰熱猶中國所謂耶也

阿每

唐日本國王姓舊唐史曰倭王姓阿每

阿那

後魏丞相阿那肱本姓高阿那時人便呼止曰阿那

阿賀

後魏阿賀氏亦改阿氏

阿伏

後魏阿伏氏改爲阿氏

多覽葛

案此條原本次作駱拔後依廣韻移正

唐史回鶻九姓一曰多覽葛亦曰多濫在薛延陀東延陀

已滅其酋多濫葛末與回紇皆入朝以其地爲燕都督府
授末都督末死以多濫葛塞留繼爲都督今詳此正以部
族爲氏

佗駱拔

魏官氏志改爲駱氏

阿伏于

後魏官氏志阿伏于後改爲于氏

案今官氏志作阿伏于氏改爲阿氏

阿鹿桓

後魏阿鹿桓氏後改爲桓氏

案今官氏志作改爲鹿氏

阿史那

突厥別姓唐太宗時有蕃將阿史那社尒高昌國亦有大

冠軍阿史那矩高宗時有大將軍阿史那道真阿史那忠突厥亦有僞可汗阿史那倭子

阿史德

代北人姓唐有行軍總管阿史德樞賓執契丹松漢都督

阿卜固獻東都

○案原本脫都字
據唐書北狄傳補

樞賓貞觀五年爲定襄

都督秦涇道行軍總管以討奚者又安祿山母阿史德

阿逸多

西域人姓

阿鹿孤

後魏改爲鹿氏

八戈

戈

姓苑不載所出按夏后時戈本諸侯之國必其後以國爲氏

過

平聲

風俗通漢有兗州刺史過羽謹按春秋寒浞處其子澆于過謂之過澆少康滅之以封諸侯其地漢東萊掖縣北過鄉是也

繁

音婆

周成王以商民七族分康叔一曰繁氏其後有繁羽仕晉爲大夫漢有御史大夫繁延壽後漢建武十八年益州太守繁勝與昆明夷戰敗漢魏間有繁欽文集十卷又汴州

人繁氏世居梁孝王吹臺之側其家富盛人謂吹臺爲繁臺今東都天清寺卽其地也唐稀歸人繁知一題巫山廟詩爲白樂天所賞

番

音婆

漢吳芮初封番君其支孫氏焉

和

出自羲和掌天地之官堯時和仲和叔之後以世官爲氏左傳晉大夫和組父

禾

謹按列子范氏之上客有禾生則禾爲人氏矣姓書未有此氏今增入

科

出姓苑

婆衍

案此條原本次波斯氏後依廣韻移正

傳餘顏復姓錄曰代北人南涼尙書左丞婆衍裔

磨離

唐吐蕃將尙婢婢遣磨離罷子將兵拒論恐熱其屬燭盧鞏力勸罷子按兵拒險罷子不從而敗

波斯

唐西域傳云其先波斯匿王大月支之別裔因以其姓爲

國號

和拔

代北人姓

和稽

代北人姓

九麻

車

尺奢切

本姓田氏其先齊諸田徙長陵

蛇

後秦姚萇有皇后蛇氏兄蛇越

案通志作蛇越滂

爲南安太守弟

楊奇爲散騎常侍又有建義將軍蛇立臨晉太守蛇平其

後望出南安

瓜

出姓苑

花

唐高宗調露元年遣左領衛將軍花太智

○案唐書突厥傳作苑大智王

氏姓氏急就篇並同此作花太智誤

討突厥兵敗免官舊唐史韓建誘防城

卒花重武告十六宅反宋有虞部郎中花尹望出東平

家

周大夫家伯爲周幽王太宰又家父爲大夫漢成帝時家君作彈碁以獻天子賜羔裘紫綵履服以朝覲

瑕

出自周大夫食邑於瑕因以爲氏望出汝南

巴

謹按世本曰巴郡南郡蠻本有五姓巴氏樊氏暉氏相氏鄭氏皆出於武落鍾離山其山有赤黑二穴巴氏之子生於赤穴四姓之子皆生黑穴未有君長俱事鬼神乃共擲劒於石穴約能中者奉以爲君巴氏子務相乃獨中之衆皆服又令各乘土船約能浮者當以爲君餘姓悉沉唯務相獨浮因共立之是爲廩君乃乘土船從夷水至鹽陽鹽水有神女謂廩君曰此地廣大魚鹽所出願留共居廩君不許鹽神暮卽來宿旦卽化爲蟲與諸蟲羣飛閉掩日光天地晦冥積十餘日廩君伺其便因射殺之天乃開明廩君於是乎君于夷城四姓皆臣之後漢南蠻傳曰廩君死魂魄世爲白虎巴氏以虎飲人血遂以人祠焉秦惠王并

巴中以巴氏爲蠻夷君長世尙秦女舊姓書云出於春秋時巴子之後誤矣

沙

姓苑云東莞人風俗通晉有沙廣又唐百濟大臣八族一曰沙氏梁貞明中有渤海沙承贊登第近世吳興多此姓

牙

風俗通曰周穆王大司徒君牙後以字爲氏

衙

出自嬴姓秦穆公子食采於衙亦謂之彭衙因氏焉其地漢馮翊衙縣是也漢長平令衙卿七世同居蜀督護衙博姓書或音訝或音語大抵當以平聲爲正

茶

舊音側加反漢江都易王弟濮陽侯定國行錢使男子茶
恬告王事蘇林曰茶音食邪反

奈

視遮切

姓纂曰今洪州有奈氏宋宣和間有奉義郎知撫州臨川
縣事奈昌明

杞

蒲巴切

本姓杞東樓公之後也後漢靈帝時杞注

案注疑當作主本匡字宋人

諱爲主或爲羌

避董卓難改爲杞

案廣韻作肥姓氏急就篇作把

氏元和姓纂

又以杞爲抱未知孰是

查

側加反

宋歙州休寧人查元方爲殿中侍御史生道字湛然嘗泣
禱河而冰泮得魚饋母仕至龍圖閣待制

櫪

與查同

車非

後魏獻帝次兄爲車非氏孝文改爲周氏周閔帝時賜周
瑤姓爲車非氏

車焜

後魏獻帝封其疎屬爲車焜氏後改爲河南車氏

車遽

世本曰齊有臨淄大夫車遽氏

車成

出後魏河南官氏志

蛇正

○案此與下華原霞露瑕正四條原本次余正氏後依廣韻移正

王子年拾遺記有蛇正氏出西王母神異傳

華原

元和姓纂曰後周鳳州刺史拓義華原熊生威周豐利公
生韓皇右四府驃騎將軍生善惠

霞露

出姓解

瑕正

風俗通魯桓公庶子食采瑕正子孫氏焉謹案漢項羽紀

傳有瑕丘申陽者張耳嬖臣也先下河南郡迎羽河上故
羽立申陽爲河南王孟康曰瑕丘縣之老人姓申名陽服
虔曰瑕丘屬中山縣申姓陽名獨文潁曰姓瑕丘字申陽
然則姓書用文潁之說創立此氏未必非誤又瑕丘於春
秋時未必在魯而桓公之後自爲三家不聞庶子爲誰也
瑕呂

左傳晉大夫呂甥一曰瑕呂飴甥杜注云瑕呂姓名飴甥
沙陀

本朱邪氏所處積名因爲部族之號朱邪賜姓李氏而沙
陀未嘗爲姓元和姓纂以何據收之此必誤也

沙陀

唐有蕃將沙陀利沙陀忠利

余正

其先齊公族食采余正因氏焉漢有侍御史余正炳又隱士余正靈居西河余音蛇

古今姓氏書辨證卷十二終

古今姓氏書辯證卷十三

十陽上

陽

出自姬姓晉大夫陽處父爲大傅其後有陽畢楚令尹陽
句字子瑕生宮廐尹陽令終令終生完及佗魯陪臣有陽
虎及其弟陽越前燕有北平陽耽其先徙居北平無終西
京襍記司馬相如以所著鷦鷯裘就市人陽昌貰酒又漢
畫工下杜人陽望善布色

楊

周宣王少子尚文封爲楊侯其地平陽楊氏縣卽漢之河
東楊縣也幽王犬戎之難楊侯失國及平王東遷寔依晉

鄭以楊賜晉武公晉於是并有楊國司馬侯對平公所謂
霍楊韓魏皆姬姓是也晉武公生伯僑伯僑生文文生突
羊舌大夫也食邑羊舌凡三縣一曰銅鞮二曰楊氏三曰
平陽突生職五子赤盱鮒虎季宿赤字伯華為銅鞮大夫
生子容盱字叔向晉太傅食采楊氏生伯石字食我以邑
爲號曰陽石又曰楊食我食我黨於祁盈盈有罪晉并滅
羊舌氏叔向子孫逃於華山仙谷遂居華陰有楊章者生
荀朗歆荀爲韓襄王將守修武子孫因居河內朗爲秦將
封臨晉君子孫因居焉朗歆爲秦上卿生碩字太初從沛
公征伐爲太史八子鵷奮黠儵熊喜鸛雛喜字幼羅漢赤
泉嚴侯生數字伯宗赤泉定侯生裔字母害裔生敞字君

平丞相安平敬侯二子忠憚忠安平頃侯生譚屬國安平
侯二子寶並寶字稚淵二子震衡震子秉秉子賜賜子彪
四世太尉震字伯起五子牧里秉讓奉牧字孟信荊州刺
史富波侯二子統馥十世孫孕孕六世孫渠渠生鉉燕北
平郡守生元壽後魏武川鎮司馬生惠嘏太原郡守惠嘏
生謦烈謦汲郡太守烈平原太守生寧遠將軍祥祥生忠
隋太祖武元皇帝太祖生堅字那羅延隋高祖文皇帝文
帝生太子勇煬皇帝廣煬帝生元德太子昭世宗孝成皇
帝昭生侑侑儻國公生行基行基生棻字德順棻生
溫溫生幼言皆嗣鄴公倓字仁安燕王侗字仁謹恭皇帝
煬帝名廣子暕字世胄齊王生正道唐尙衣奉御正道生

崇禮戶部尙書太府卿崇禮生慎餘慎名慎矜慎餘吏部

郎中少府少監慎矜戶部侍郎生岳州刺史諫慎名洛陽

令觀王房本出渠孫興後魏興

案唐世系表作新此作興誤

平郡守生

國國孫紹後周特賜姓屋呂引氏隋初復舊後以士雄封

觀王士雄生恭仁相唐高祖生思誼思訓思訥思訓左屯

衛將軍有傳生左衛將軍嘉本嘉本生慎交慎交生洄洄

生悅自慎交以下三世爲駙馬都尉恭仁弟絃

案唐世系表作練

續綱恭道師道續都水使者弘農公生思簡思祥思止思

止字不殆唐潞州刺史湖城男生執柔執虛愛業執一執

柔相武后師道相唐太宗生豫之士雄弟士貴隋道撫二

州刺史邢國公士達隋納言始安恭侯皆有世系至六世

孫孕五世孫隋輔國大將軍河東公贊生初光祿大夫華
山郡公初裔孫播世居扶風生炎字公南相德宗炎生朗
殿中侍御史漢太尉震子奉字季叔後漢中書侍郎城門
校尉八世孫結慕容氏中山相二子珍繼珍魏上谷太守
生清和太守真真生懿洛州刺史弘農簡公懿生順津順
字延伯冀州刺史三門縣男

案唐世系表作三門縣伯

徙居河中永

樂生琛儀同三司平鄉縣公琛生汪字元度隋梁郡通守
涇生唐庫部郎中令本令本生友諒志謙志詮友諒吳陵
令生宣州司戶參軍珣珣生釗後賜名國忠相唐明皇事
具外戚及姦臣傳四子暄太常卿曉殿中少監肫鴻臚卿
駙馬都尉晞太子中允志謙生蜀州司戶元炎元炎生殿

中監銛次工部尚書元珪元珪生太僕卿駙馬都尉錡次

國子司業元璩生湖中刺史鑑銛錡鑑皆國忠兄弟也順

弟津字羅漢後魏司空孝穆公三子曄案後魏書及北史曄字延季

乃津弟此以曄爲津子蓋沿唐世系表之誤岐曄字遵彥北齊尚書令開府岐

王徙居遵武自津及曄並有名四世同居伯叔兄弟爲公

卿三十人遵彥生長安尉行表案唐世系表以行表爲岐子北齊書曄二子獻天

和北史並同此以行表爲曄子似誤行表生敏及綝綝字再思相唐武后中

宗弟亮潤寂潤字溫玉唐國子祭酒朔城公生回侃侃白

水令生縝紘繪綰綰字公權相代宗生監察御史宏微越

公房本出中山相結次子繼繼生暉洛州刺史諡簡暉生

河間太守恩恩生越恭公鈞號越公房鈞生暄字宣和西

魏度支尚書生數字文顯後周汾州刺史臨正壯武公隋案

書敷論忠壯與此本互異臨正二字亦疑誤。案後周楊敷傳魏建義初襲臨貞縣伯入周應進公此避宋仁宗嫌

名故改貞爲正數生素字處道隋尚書令司徒楚景武公生元獎

積善元感積善上儀同其孫悟靈唐錢塘令生寧州司馬

幼烈幼烈生三水丞藏器藏器生遺直濠州錄事參軍遺

直生發假收嚴發生傑字文逸收字藏之相宣宗案唐世系表

作相懿宗考收以咸通四年入相以七年罷當從唐表嚴字凜之兵部郎中案唐書本傳

及表俱云兵部侍郎此作郎中誤判度支生涉字文川相昭宗案涉以哀帝天祐

二年同中書門下平章事此與唐世系表皆云相昭宗誤子凝式有名節自朱梁至周

未嘗出仕常稱心疾官至太子少師素弟約慎岳岳隋萬

年令蒼山公生宏禮宏文宏武宏禮宏武相繼爲唐中書

侍郎時號楊家二宏宏禮後爲太府少卿宏武相高宗生
元亨元裕元禧元禕元咸皆刺史越恭公次子儉字景則
西魏侍中封夏陽靜侯生文昇文休文昇文昇字文殊隋
刑部尙書吳州總管樂昌侯生安仁安仁生德立德立孫
隱朝邵陽令生臨汝令燕客燕客生審及寧寧國子祭酒
四子汝士虞卿漢公魯士

○案舊唐書以汝士爲虞卿從兄與此異

分爲四院

汝士字慕巢刑部尙書東川節度贈太師三子知溫知遠

知至知溫生開物開物生及善宏善慕義令慶

○案唐世系表以及

善以下爲開物弟宏善作先嘉令作全

知至生整協恪貽德虞卿字師臯工

部侍郎京兆尹生知退元孫知權礪思方壇堪

○案錢希白南部新

書虞卿生知退知退生堪是以堪爲知退子與此異

知退生贊禹贊圖緒濟

案唐世系表知

退生贊禹贊圖緒贊禹生澄贊圖生如初韋之緒生齊業

濟業五人此脫業案唐世系表緒之下不載所生此云生齊業齊蓋濟字之誤復以齊業作一人名誤元孫生球贊辭

球生校六校七知權生旬恂恂生康兒道冲礪生安期壇

生延叟案唐世系表叟作史此誤堪生承休承休生巖字光遠仕吳越

爲丞相有子八人號吳越丞相房漢公字用文天平軍節

度使檢校戶部尙書贈太保生思輝籌範諱符案唐世系表以符

爲諱子知章篆筠籙簾簾管思輝生沼籌生寓範生瑄玠璨瑄

生弘毅弘敬弘基弘讓弘烈玠生思已弘毅生正度弘基

生正禮正諫正弁正表正用正倫正儀魯士字宗尹長安

令贈工部尙書生希古仁瞻思實崇鼎源嶠希古生徵仁

瞻生峴嶠思實生敬福郁案南部新書堪生承休承休生巖巖生郁是郁爲虞卿四世

孫與源嶧生雍凡汝士兄弟四人共有二十七子。案據此書汝

士三子虞卿七子漢公十一子魯士五子共止二十六子于數不合考唐世系表尚有漢公長子韶州刺史思愿此

無之蓋傳寫脫去三十六孫其間多知名者文昇弟文偉儉少子

也隋溫州刺史安平公四子榮士積安濟纂榮生武州刺

史師駕部郎中泰溫令恪恪生國子司業元表司勳郎中

元政元政生殿中侍御史志元志元生成名成規成名生

憑疑凌憑字虛受刑部侍郎京兆尹生渾之疑字茂功司

封郎中生厚。案唐世系表作後之字謙人凌生同州刺史欽之。案唐

世系表作敬之此誤。案敬字因避諱而改欽之生江西觀察使戴字贊業越

恭公少子寬字蒙仁暄儉弟也周總管宜陽公生文紀字

溫範隋荊州總管陽山。案隋書文紀襲封華山郡公此作陽山誤。案隋書文紀在周襲華

山郡公高祖爲丞相改汾陰縣公後恭公文紀生孝湛孝
改封上明郡公此作陽山本世系表

儼孝儼生宏毅洛州長史生瑾珪珪辰州司戶參軍生冠

俗奉天

○案唐世系表作先此天字誤

丞冠俗生單父尉太清太清生於

陵字達夫左僕射弘農郡公於陵四子景復衛尉卿嗣復

字繼之相文宗武宗生損及授紹復字紹之師復生拙字

藏用又後漢益州從事楊竦破賊有功晉弘農楊氏準有

二子喬髦皆幼喬爲裴頠所重髦則樂廣所知準曰我二

兒裴樂所優劣也後周臨汾公楊專姓越勒氏趙國楊忠

姓普六茹氏儼城公楊紹姓屋呂引氏

○案周書紹初賜姓屋公引氏後賜

利氏

專孫宏武忠子隋文帝紹子雄皆復本姓唐有三蠻

白馬氏之遺種楊劉郝三族世襲爲王又松外蠻趙楊李

董爲貴族

揚

漢成都揚雄字子雲生童烏九齡能與立文今封子雲成
都伯從祀文宣王廟

羊

出自周官羊人之後以官爲氏梁孝王客有羊勝善詞賦

泰山南城羊氏漢安帝時司隸校尉

案後漢書校作侵

生儒桓

帝時爲太常儒生續字興祖懸魚不食者位南陽太守生

京兆太守祕上黨太守衛太常忱祕生魏郡太守社車騎

掾繇繇生四子秉給式亮

案此下當重亮字

晉大鴻臚忱晉侍中

蒙陰侯生楷權楷生中書郎綏權生桂陽太守不疑綏生

孚輔立保立保生粲戎咸粲宋廣州刺史衛生發承祐發
淮北護軍生倫暨伊倫高陽相暨陽平太守伊鎮南將軍
暨生贈太常曼晉廬陵太守眈曼生賁祕書郎祐字叔子
晉侍中太傅鉅平成侯無子以兄子篇嗣侯位散騎常侍
立孫法興嗣侯黨桓立誅耽生右僕射瑾輔國大將軍開
府儀同三司甘露威侯琇瑾生立之晉開府儀同三司興
晉侯唐開元五年有太子詹事羊師度充營田使後魏羊
社暴酷人號爲天狗赫連勃勃有征東將軍羊狗謹按舊
書云羊舌氏之後有單姓羊者誤矣當羊斟仕宋時羊舌
氏之族方爲强家安得單姓之說

洋

揚州海陵多此姓自云因洋川爲氏

良

出自姬姓鄭大夫其族有良佐

涼

魏志有昌邑太子太傅涼茂山陽人必其先封於涼因氏焉

香

士人游宦南方者云二廣有香氏不知其得姓之因舊姓書未有此氏謹按劉向新序有香居諫齊宣王爲大室王召尙書書之曰寡人不肖好爲大室香子止寡人也詳此則六國已有香氏今增入

鄉

見姓苑

商

出自商王之後以國爲氏紂時有賢人商容周武王式其
閭孔子弟子有魯人商瞿字子木澤字子季元和姓纂曰
衛鞅封商君子孫氏焉誤矣左傳齊大夫商子車商子游
皆爲戎御鄭大夫商成公微司宮者唐貞觀所定楊州廣
陵郡四姓其一曰商

房

清河房氏出自祁姓房陵

案舜封堯子丹朱於房爲房邑侯春秋時防渚卽其地唐武德

爲房州陵丹朱之子也

二十五世孫鍾周昭王時食采靈壽生沈沈

十二世孫漢常山太守雅徙清河繹幕十一世孫植後漢
司空植八代孫諶隨慕容德南遷因居濟南四子裕坦遂
熙號四祖裕孫後魏冀州刺史法壽孫翼仕至鎮遠將軍
襲壯武伯二子熊豹熊字子彪本州主簿生彥謙司州

唐世系表作隸刺史彥謙生玄齡字喬松相唐太宗天下謂之房

杜喬松生遺直遺則遺愛遺直禮部尙書遺愛駙馬都尉
遺直五世孫楷大理寺司直生魯字詠歸魯生重武功尉
重生大理評事諤諤生從約從繹從絢從綰遺愛有六世
孫復及鄴鄴字正封玄齡齊州臨淄人太尉梁文昭公
河南房氏晉初有清河房乾使北虜留而不遣虜俗謂房
爲屋引改爲屋引氏乾子孫隨魏南遷復爲房氏後魏殿

中尙書武陽公倫生北齊侍中吏部尙書謨謨生廣深恭
懿恭懿隋海州刺史生彥雲彥雲生元基唐倉部郎中元
基生水部郎中元陽元陽生融。案唐世系表以融爲相
彥雲子元基弟與此異相
武后融生琯字次律相肅宗琯三子宗偃乘。案唐世系表
表乘作衷
復宗偃御史中丞乘祕書郎孺復容州刺史元基弟元靜
膳部郎中清漳公生肱肱生岳蠻陟武式岱密巖岡武興
元少尹式宣歛觀察使

防

謹按後漢鍾離意傳意爲堂邑令縣人防廣爲父報讎繫
獄其母病死廣哭泣不食意憐傷之乃聽廣歸家使得殯
歛承椽皆爭意曰罪自我歸義不累下遂遣之廣歛母訖

果還入獄意密以狀聞廣竟得以減死論姓書未有今增入

方

風俗通曰方雷氏之後唐睦州桐廬人方干以唇缺不第有詩名號元英先生至今爲盛族謂之鷓鴣方氏鷓鴣地名也

章

出自姜姓齊太公支孫封國於鄆左傳齊人降鄆子孫去邑爲章氏神仙傳有章震望出南郡陳司空章昭達唐右驍衛將軍章承嗣梓州刺史章彝湖州人循王府長史章延珪杭州人二族皆望出吳興事見元和姓纂唐貞觀所

定濮州武陽郡七姓泉州南安郡六姓洪州豫章郡六姓
皆有章氏

昌

出自黃帝子昌意之後支孫氏焉望出東海及汝南西秦
有隴西羌將昌何

羌

西羌種族氏焉

姜

出自炎帝生於姜水因以爲姓裔孫佐禹治水爲堯四嶽
之官以其主山嶽之祭尊之謂之太嶽命爲侯伯復賜祖
姓以紹炎帝之後夏商以來分爲齊許申甫四國世有顯

諸侯其居戎狄者爲姜戎氏田和滅齊子孫分散漢初姜氏以關東大族徙關中遂居天水蜀大將軍平襄侯維裔孫明居上邽明後魏兗州刺史天水郡公生遠後周朝邑縣公生寶誼左武衛大將軍永安剛公生恪協恪相唐高宗協成紀威公又秦州上邽人秦州刺史暮諡安子確字行本左屯衛將軍邠襄公生嗣邠公簡地官尚書柔遠二子皎晦殿中監楚國公生太常卿駙馬都尉慶初晦吏部侍郎 九真姜氏本出天水舒州刺史神翊生挺挺生公輔復公輔相德宗復比部郎中 廣漢姜氏詩後漢時人事母至孝有躍鯉之祥西秦天水姜乳叛乞伏益州詩平之晉西夷護軍姜發後秦天水姜訓爲姚萇大將軍掾姜

虬爲撫車東曹掾姜紀爲揚威將軍後涼呂光部將姜飛將軍姜顯

長

春秋衛大夫長佾之後有長武子戰國時有長息爲費惠公臣本公明高弟子姓書未有此氏唯千姓編列爲長沮之後按此則周有長氏不必沮後也今增入

張

出自姬姓黃帝子少昊青陽氏第五子揮爲弓正始造弓矢寔張羅以取禽獸主祀弧星世掌其職賜姓張氏周宣王時有卿士張仲其後裔事晉爲大夫張侯生老老生君臣君臣生○案唐世系表作耀老生耀與此異耀生貉其孫曰抑朔至三

卿分晉張氏事韓韓相開地生平凡相五君平生良字子房漢太傅留文成侯生侍中辟疆及不疑

○案此下當重不疑二字

生

典典生默默生大司馬金生陽陵公乘千秋字萬年千

秋生嵩嵩五子壯讚彭睦述壯生裔裔生皓字叔明後漢

司空世居武陽犍爲皓生宇北平范陽太守避地居萬城

案唐世系表萬城作方城或因方万二字破書之誤

宇孫肥如侯孟成生平魏漁陽

郡守平生華字茂先晉司空壯武公二子禕禕字彥仲

散騎侍郎生輿字公安太子舍人襲壯武公生次惠宋濮

陽太守二子穆之安之安之之族徙居襄陽穆之宋交州

刺史安之宋青州主簿生宏策字真簡梁衛尉洮陽閔侯

宏策生經

○案唐世系表經作經

後周上士隋巴州錄事參軍經生

亦出自晉司空華之後隨晉南遷至君政因官韶州曲江
君政韶州別駕生子虔子胄子胄生宏藏宏毅宏智宏愈
宏愈索盧丞生九齡九臯九齡字子壽相明皇天下謂之
曲江公生右贊善大夫拯九臯殿中監南康縣伯生捷擢
拱撫抗抗生仲端仲膺仲宗仲基

案唐世系表仲基作仲蕃

仲方仲孚

仲方祕書監曲江成伯有傳九齡子孫曾孫皆一人四世

孫二人五世孫四人六世孫七人七世孫十七人八世孫

三十一人

馮翊張氏出後漢司空皓少子綱字文紀後

漢廣陵太守曾孫翼字伯恭蜀冀州刺史子孫自犍爲徙

下邳德言龍州刺史生策

○案唐世系表策作榮

策生仁愿相唐中

宗仁愿生之輔金吾衛將軍之輔生通儒及知微

吳郡

張氏本出嵩第四子睦字選公後漢蜀郡太守始居吳郡

裔孫顯齊廬江太守生紹梁零陵郡守紹生冲字叔元隋

漢王侍讀冲生後允字嗣宗國子祭酒十一子震濟謙遜

案唐世系表遜作巽律師小師統師豐仁彥師瑾道師律師王府諮

議參軍生繼本義方承方承纘義方字子儀邢州刺史生

府正朔方節度府正生鎰字貴權案唐世系表貴權作季權相德宗

清河東武城張氏本自漢留侯良裔孫司徒歆歆弟協字

季期衛尉生魏太山太守岱自河內徙清河曾孫幸後魏

青州刺史平陸侯生準陳案唐世系表陳作東青州刺史襲侯生靈

真靈真生彝隋末徙魏州昌樂彝字慶賓後魏侍中平陸

孝侯生始均光祿卿平陸侯始均生景之案唐世系表景之作晏之北

齊兗州刺史恭公景之生虔虔雄虔雄隋陽城令生文

僖

○案唐世系表作禧

文瓘文瓘字稚珪相高宗文瓘弟文琮吏部

侍郎文收太子率更令文琮生戢挹錫戢江州刺史挹比

部郎中錫相韋后

○案當云相武后韋后

周有司城中大夫虞鄉定

公羨

案唐世系表羨之後爲河間張氏此相韋后下應有河間張氏四字

賜姓叱羅氏生照

照字士鴻隋冀州刺史復姓張氏三子惠寶惠瑤惠珍惠

寶絳丞惠瑤瓜州司馬生祖政祖令惠珍孫約通通曹州

刺史生寂孝開寂生游藝游藝生昇兌兌生蘭溪令綢綢

生君卿正字君卿生楊字公表天平軍節度使三子文蔚

字在華相哀帝爲朱全忠脅傳禪又相全忠弟濟美字舜

舉貽憲字去華寂弟孝開蒲州刺史生洪州都督知久知

久生汝州刺史栖真栖真生感

案唐世系表感作威。案汲古閣本新唐書作威。

感生應安南都護應生仲素中書舍人仲素生鐸鐸生濬

字禹川相昭宗

中山張氏漢丞相北平文侯蒼之後世

居中山義豐長諧生行鈞行成行成相唐太宗高宗生洛

客梁客洛客生翕喜彥起

魏郡張氏世居繁水公謹字

○案原本字譚生据唐世系表改

宏慎襄州總管鄭襄公三子大象戶部

侍郎大素給事中大安相高宗生洽左金吾將軍浼同州

刺史浚侍御史

汲郡張氏世居平原越州司馬善見生

荊州戶曹叅軍武定武定生代州司功叅軍知古知古生

鎬字從周相肅宗所謂用之則爲帝師者

鄭州張氏亮

相太宗生慎微元和姓纂曰唐有安定范陽太原南陽燉

煌修武上谷沛國梁國滎陽平原京兆等四十二望大抵
皆留侯遠裔孔至姓氏襍錄曰唐初定清河張爲乙門又
曰唐張大師延師儉師兄弟三人並列戟時稱三戟張家
又有張沛洽涉兄弟亦同時列三戟又開元中張說張嘉
貞同時入相互爲中書令時稱大張令小張令又唐張萬
歲及其子思廉思廉子景三世爲太僕後漢書有交阯張
游內附封歸漢里君巴人張翕爲越雋太守得夷人和益
州刺史張喬漢陽太守張貢並爲護羌校尉謁者張鴻擊
滇吾羌隴西太守張紆放遣迷吾羌燉煌太守張璠陳破
羌三策交阯刺史張喬平蠻夷

後漢襄楷字公矩平原陽陰人晉五官襄珍巴西人以郡
降李蕩

相

姓苑音湘

將

姓苑曰石趙有常山太守將容

莊

史記西南夷傳云始楚莊王時使將軍莊蹻將兵略巴蜀
黔中以西蹻者故莊王苗裔是也春秋時宋大夫莊朝莊
革戰國有蒙漆園吏周著莊子書蜀人君平桐廬人光字
子陵至漢避諱改爲莊氏

案漢明帝諱莊故莊氏俱改爲嚴氏此作改爲莊誤。案鄧氏

古今姓氏書辨證卷十三
於周君平光俱不著姓氏本承上莊朝莊革
謂莊改爲嚴此作改爲莊氏蓋傳寫之譌

嘗

風俗通曰齊孟嘗君之後氏焉

常

出自姬姓唐新豐常氏咸安令緒生杞王府司馬毅毅生

楚珪楚珪四子三原丞無畏

案唐宰相世系表無畏作無爲

生衮相代德

二宗後燕有中書令忠北燕有黃門郎陋後趙冉閔僭位
命常煒聘南燕慕容雋以爲廷尉監

霜

出姓苑

古今姓氏書辨證卷十三終

古今姓氏書辨證卷十四

十陽下

王

周靈王太子晉八世孫錯爲魏將軍生賁爲中大夫賁生
淪爲上將軍淪生息爲司寇息生恢封伊陽君生元元生
頤皆以中大夫召不就生翦秦大將軍生賁字典武陵侯
賁生離字明武城侯二子元威元避秦亂遷于琅琊後徙
臨沂四世孫吉字子陽漢諫議大夫始家皐虞後徙臨沂
都鄉南仁里生駿字偉山御史大夫二子崇游崇字德禮
大司空扶平侯生遵字伯業後漢中大夫義鄉侯二子皆
音音字少元大將軍掾

○案晉書王祥傳祖仁青州刺史此以王音爲祥祖誤

四子

誼叡典融融字巨偉二子祥覽祥晉太保睢陵元公覽字
元通晉光祿大夫卽正子祥五子肇夏馥烈芬肇晉給
事中始平太守生俊晉太子舍人永世侯俊生遐晉光祿
大夫遐生恪臻恪領軍將軍臻崇德衛尉恪生豫章太守
欣之廣州刺史權之馥晉上洛太守睢陵孝侯生根晉散
騎郎嗣睢陵侯覽六子裁基會正彥琛裁字士初晉撫軍
長史襲卽正子基字士光晉治書御史會字士和晉侍御
史正字士則晉尚書郎彥字士治晉中護軍琛字士瑋晉
國子祭酒裁生導穎敝導字茂宏晉太傅大司馬丞相始
興文獻公生六子悅恬洽協邵薈悅字長豫始興世子生
混字奉正晉丹陽尹贈太常生二子嘏字偉世宋中領軍

尙書侍中始興公誕宋輔國將軍生詡早卒恬字敬豫晉
中軍將軍生浩洽字敬和晉中領軍生珣珉珣字元琳晉
車騎將軍開府東亭獻穆侯珉字季炎晉太常珣生宏虞
柳孺曇首宏字休元宋錄尙書事太保中書監文昭公生
錫字寡光宋江夏內史三子齊華容侯僧亮宋侍中僧衍
宋黃門郎僧達僧衍生茂璋梁黃門郎僧達生道炎宋盧
陵內史虞字休仲宋廷尉卿生深宋新安太守柳字休季
宋光祿大夫東亭侯生猷字世倫梁侍中東亭康侯生瞻
梁侍中吏部尙書生立儒宋光祿大夫四子遠字景舒宋
光祿勳微字景立宋祕書監中書侍郎僧謙宋太子舍人
僧綽宋金紫光祿大夫豫寧愍侯遠生僧佑齊黃門郎生

籍齊中散大夫僧綽二子儉字仲寶齊太尉南昌文憲公
遜晉陵太守儉二子騫字思寂梁金紫光祿大夫南昌安
公暕字思晦梁國子祭酒騫生規字威明梁金紫光祿大
夫南昌文侯案唐世系表文侯作章侯規生褒字子淵後周光祿大夫
少司空石泉康侯暕三子承字安期梁黃門侍郎幼梁東
陽太守訓字懷範梁侍中曇首宋侍中太子詹事豫寧文
侯生僧虔齊司空豫寧簡穆侯五子慈字伯寶齊太常豫
寧懿侯志字次道梁金紫光祿大夫楫梁太中大夫彬字
思文梁祕書監寂字子元梁祕書郎慈生泰字仲通梁驍
騎將軍生廓楫生筠字元禮梁太子詹事生祥陳黃門侍
郎珉二子朗練宋侍中導第四子協字敬祖晉元帝撫軍

叅軍武岡侯生謚字稚遠宋司徒武岡文恭侯三子瓊球
琇球字舊玉宋特進金紫光祿大夫生負齊雒州刺史導
第五子劭字敬倫晉車騎將軍生三子穆字伯遠晉臨海
太守默晉右光祿大夫恢晉右衛將軍穆三子簡宋五兵
尚書智及超默三子僧朗鑒惠僧朗宋右僕射生楷粹或
楷宋太中大夫生蘊字彥深宋黃門侍郎吉陽男粹字景
深齊黃門侍郎生份字季文齊左光祿大夫丹陽尹或字
景文宋開府儀同三司三子絢字長素宋祕書丞續字叔
素齊太常約梁侍中尚書廷尉續生雋齊建安太守生克
陳左僕射導第六子薈字敬文晉衛將軍生廕懌廕晉吳
國內史生泰華華字子陵宋侍中右將軍新建憲侯生定

侯嗣爵定侯生長及終皆嗣侯懌生琨齊左光祿大夫基
生含敦含字處宏晉光祿勳驃騎將軍生瑜晉散騎常侍
敦字處仲晉大將軍生應晉武衛將軍會生舒遂舒字處
明晉車騎大將軍儀同三司彭澤穆侯生晏之允之晏之
晉護軍參軍生崑之嗣侯生陋之正生虞曠彬虞字世將
晉侍中驃騎將軍生東海內史頤之晉司州刺史胡之晉
中書郎耆之晉鎮軍掾羨之胡之生茂之承之和之茂之
晉陵太守生裕之宋儀同三司生恢之瓚之昇之昇之宋

都官尚書

○案此下疑脫瓚之二字

生齊吳興太守秀之左僕射延之

秀之生峻梁金紫光祿大夫延之生綸之齊都官尚書耆
之生隨之晉上虞令生鎮之宋宣訓衛尉宏之不仕鎮之

生標之宋安復令宏之三子羅雲宋西平長史曇生宋太
常卿普曜宋祕書監羅雲生思立思正思遠普曜生齊太
子少傅晏廣州刺史詡晏生德元宋車騎長史羨之生晉
郎中令偉之偉之生韶之宋祠部尙書韶之生曄宋臨賀
太守曠晉淮南太守生羲之晉金紫光祿大夫羲之生元
之疑之渙之肅之晉驃騎咨議徽之晉黃門郎操之晉豫
章太守獻之晉光祿大夫徽之生禎之晉侍中獻之生靖
之宋司徒左長史靖之生悅之宋侍中彬生彭之晉黃門
郎彪之晉儀同三司翹之晉光祿大夫彪之二子越之臨
之臨之生納之瓌之納之生淮之淮之生輿之瓌之生逵
之翹之生望之琛生稜侃輿之生進之進之生清自吉以

下更魏晉南朝一家正傳六十三人三公令僕五十餘人

侍中八十人吏部尚書二十五人石泉康侯褒生鼎

案周書

王褒傳唐世系表鼎俱作肅

字玉鉉隋安都通守石泉威明

案唐世系表作明

威

侯生宏讓宏直宏讓字恭宗

案唐世系表恭宗作敬宗

隋中書舍人

專掌機密生方土方則方泰方士字元逸臨邛令生沂州

司馬崇禮方則字元憲光祿卿生蘭州刺史景益州倉曹

參軍晏好時丞昱夏州長史昇方泰字元敏太府少卿生

馮翊丞鴻宏直字長宗魏州刺史生緘續續緝緝字方

舉隨州司馬生思息

案唐世系表思息作思哲

思恭續字方紹羅州令

生愔續字方節越王府法曹參軍生思崇

案唐世系表思崇作思敬

字方慶相武后生晞晦暉晞晞字光烈郎

州刺史襲石泉侯生定州刺史備字靈龜及舒州刺史仇

甫生濡膳部員外郎黃州刺史四子其顯者曰沂州觀察

使遂澄洋州刺史五子沐淮皆御史中丞三子濟尚衣奉

御一子沼集州刺史一子五孫潤案唐世系表潤作浦。案汲古閣本新唐書作

潤杭州別駕七子其顯者天平軍節度使源中字正蒙潤

汝州長史五子其顯者福建觀察使源植源植七子少子

祝案唐世系表作祝字不耀給事中仇三子四孫晞弟晦字光遠

皦字光輔皦生寵宰寵生揚州錄事叅軍仲連仲連生紹

紹生興相肅宗興生及中書舍人及生鑑字聲仁右諫議

大夫鑑生博案唐世系表作博字昭逸相昭宗三子侑倓倫

晞弟晁字光賓殿中侍御史四子五孫晔殿中侍御史一

子駿字光庭明威將軍三子七孫十一曾孫暄字光範明
威將軍三子五孫昕字光業忠王司馬無子暉字光緒萬
州司馬暉字光嗣安化郡司馬皆三子又宏直弟宏度宏
仁宏義宏訓宏道宏藝及其六子八孫方慶弟緄及三子
皆以名見唐表正字正則晉尚書郎三子虞曠彬彬字世
儒尚書右僕射諡肅侯彬生二子彭之彪之彪之字叔武
尚書令諡簡二子越之臨之生納之皆御史中丞納
之生淮之字元魯宋丹陽尹生興之征虜將軍興之生進
之梁左衛將軍建寧公進之生清安南將軍中盧公清生
猛陳東衡州刺史三子繕續續續鼓旗。案唐世系表將
作旗鼓此誤倒將
軍楚州刺史生德儉字守節歸仁縣男生璿字希珎相武

后璿七子

太原王氏出自離次子威漢揚州刺史九世

孫霸字儒仲居太原晉陽後漢連聘不至霸生咸咸十九

世孫澤字季道鴈門太守生昶字文舒魏司空京陵穆侯

二子渾濟

案晉書渾昶之子湛渾之弟濟乃渾昶之子也此作昶二子渾濟渾生湛誤

渾字元冲

晉錄尚書事宗陵元侯

案晉書渾襲父爵京陵侯此作宗陵元侯宗乃京字誤也

生湛

字處冲汝南內史生承字安期鎮東府從事中郎藍田縣

侯生述字懷祖尚書令藍田簡侯生坦之字文度左衛將

軍藍田獻侯所謂江東獨步王文度生愉字茂和江州刺

史生緝散騎侍郎輯生慧龍後魏寧南將軍四子遵業廣

業季和

案唐世系表慧龍後魏寧南將軍長社穆侯生與龍驤將軍生瓊字世珍鎮東將軍四子遵業

廣業延業季和此寧南將軍下脫簡甚多四子中又脫延業一人誤甚

號四房王氏宋王玄

謨字彥德太原祁人自序云六世祖宏河東太守縣竹侯

以從叔允之難棄官北官新興仍爲新興

案北官之官疑當作歸仍爲

新興下疑

鴈門太守祖牢仕慕容氏爲上谷太守父秀早

卒立謨左光祿大夫開府儀同三司領護軍將軍南豫州

刺史加都督謚莊子深深子續嗣深弟寬光祿大夫寬弟

曠字明遠永嘉太守立謨從弟立象下邳太守立謨從父

蕤東莞太守子元載字彥休兗州刺史謚烈弟元邈字彥

遠齊護軍雍州刺史壯侯大房王氏遵業黃門郎生長明

松年松年字北節

案唐世系表松年北齊黃門侍郎此作字北節字疑衍節疑誤

黃門侍郎

高邑平侯生邵規邵字君懋隋祕書少監生孝京孝柔

孝京揚州司馬生子奇子真子奇青州司戶叅軍生慶賢

慶祚慶符慶詵慶元慶賢美原丞生光謙淮陰令光謙生

翊翊翊尚翊翊吏部郎中

案唐世系表翊吏部侍郎

生河東令重重生

文仲君仲英仲

案唐世系表英仲作衆仲

英仲衢州刺史生疑字成庶

宜欵觀察使諡正翊陽翟尉生勲堪

案唐世系表堪作湛

定陵令

生聰聰生溥字德潤相昭宗第二房王氏廣業後魏太中

大夫生野父北齊膠州刺史次曰第九

案唐世系表無此人

次季

真凡三子三孫九曾孫四世至十一世孫又四十九人並

以名見唐表

河東王氏其先出琅邪儒賢趙州司馬生

知節揚州司馬知節生曹協律郎胄生處廉汾州司馬處

廉生維縉縉絃統維字摩詰尚書右丞縉字夏卿相代宗

祁縣王氏唐時稱烏丸王氏今避御嫌名因改之霸長

古今如月書卷十四
子殷後漢中山太守食邑祁縣四世孫寔

案唐世系表四世孫寔是三子允

隗懋寔下脫三子二字

允隗懋後漢侍中幽州刺史六世孫光後

魏并州刺史生景

案唐世系表景作岡

度支尚書護烏丸校尉廣陽

侯因號爲烏丸王氏景生神念梁冀州刺史壯侯北齊亡

徙家萬年神念生僧辯太尉永寧公僧辯生顗陳侍中樂

陵太守顗生珽珽字叔玠相唐太宗生崇基及南城縣

男欽直

案欽直唐世系表作敬直

崇基主爵員外郎生體仁尚逸齊望

茂時齊望通州刺史生左司郎中曉

案曉唐世系表作旭案旭字避宋神宗

嫌名故改爲曉後倣此

酷吏也茂時生司勳郎中光大給事中燾燾

生大理少卿遂蘇州刺史邁度支尚書廣陽侯景五世孫

元政幽州別駕生實安吉令實生祚青州司馬祚生晃溫

州刺史三子沼禮部郎中潔國子司業涯字廣津相憲宗
文宗涯生孟堅工部郎中集賢院學士仲翱太常博士

中山王氏亦出晉陽永嘉之亂涼州叅軍王軌因官家焉

子孫居武威姑臧五世孫橋字法生侍御史贈武威定王

生叡封中山王號中山王氏後徙樂陵叡字恪誠後魏尙

書令中山宣王生襲字光孫

案光孫唐世系表作元孫

吏部尙書中山

惠王襲生忻散騎常侍肆州刺史諡穆生子景及眞子景

北豫州司馬生元季隋大中正開府儀同三司元季生有

方岷州刺史有方生長安尉行果行果生峻相明皇唐

汾州長史王滿亦晉陽人生大璿嘉州司馬二子昇昇

咸陽令生恕字士寬揚府倉曹叅軍恕三子播起炎播字

明揚相文宗生祕書丞鎮京兆府叅軍冰起字舉之魏郡
文懿公生武寧節度使式浙東觀察使龜字大年汝州刺
史鐔字德耀鐔弟鑄字台臣炎字逢時太常博士生鐸字
昭範相僖宗龜生右司員外郎蕤蕤生權及定保字翊聖
權

○案唐世系表權作檀

字秀山

華陰王氏後徙京兆新豐孝傑

相武后生左驍衛將軍無擇

京兆王氏其先亦姬姓元

和姓纂有居剡縣者曰東海王氏泰州者曰天水王氏同

州者曰馮翊王氏鄆州者曰東平王氏萊州者曰東萊王

氏潭州者曰長沙王氏山陽者曰堂邑王氏又曰金城王

氏曰廣漢王氏曰新蔡王氏曰新野王氏曰章武王氏曰

廣陵王氏曰聊城王氏曰長安王氏曰高陵王氏曰河內

王氏曰河間王氏曰藍田王氏曰上黨王氏曰鄴郡王氏
曰廣平王氏曰華陰王氏曰樂陵王氏凡新望二十四及
祁縣諸房琅琊諸房皆子晉後出自晉陽顯於唐而有世
系者京兆王氏出自姬姓周文王少子畢公高之後封魏
至昭王彤生公子無忌封信陵君無忌生間憂襲信陵君
秦滅魏間憂子卑子逃難于泰山漢高祖召爲中涓封蘭
陵侯時人以其故王族也謂之王家卑子生悼悼生賢濟
南太守宣帝徙豪傑居霸陵遂爲京兆人賢七世孫黨上
郡太守卑子九世孫遵字子春後漢河南尹上樂莊侯遵
生魴魴孫康康生諶諶生鵠魴別孫景生均忠均八世孫
羆後魏雍州刺史萬年忠公仕周爲同州刺史死葬咸陽

鳳栖原子孫因家杜陵罷生慶遠明遠明遠周司金上士
生壽隋州都士職主簿壽生河西令喆喆生蒲州長史慶

慶五子易從恭從

素恭從唐世系表作敬從

擇從朋從言從易從揚州

刺史生賓實賓密定恭從右庶子生廖擇從京兆士曹參
軍生察易從擇從朋從言從兄弟四人皆擢進士第至鳳
閣舍人者三人故號鳳閣王家自是訖大中時登進士第
者十八人位臺省牧守者三十餘人擇從大中三年登第
先天中又應賢良方正制舉升乙第充麗正殿學士子察
至德二年登第終連州刺史察生自立緱氏令自立生徽
字昭文相僖宗贈太尉諡正子三人椿樗松均登第忠七
世孫直瓜州刺史生武宣長諧武宣岳州刺史生德本德

真德本鄧州刺史德真相高宗武后生九思三原令九思

生潛坦裔長諧生德元倉部郎中德元生九功九言士會

九言駕部郎中滄州

案滄州唐世系表作并州

司馬士會陸渾令元和

姓纂有山陽王氏高平澤州王氏皆與京兆同出

汲郡

王氏一曰河東潞縣王氏出自子姓商王子比干之後比

干以正諫爲紂所殺子孫居朝歌因氏焉

北海劇縣王

氏一曰青州王氏出自嬀姓舜後陳公子完奔齊爲田氏

裔孫和取齊自王秦滅齊項羽封其孫田安爲濟北王齊

人以其後爲王家因氏焉

陳留王氏居宋州與北海同

出河南王氏其先代人姓柘王隨魏南徙居中國始改

爲王氏後魏安康公王瑜是也

營州王氏本高麗之族

朔方將軍虔威

案虔威唐世系表作虔威。案汲古閣本新唐書作虔威。

生司空霍國

武烈公思禮有傳

安東王氏本阿布思之族隸安東都

護府曰五哥爲左武衛將軍生末怛活唐左金吾衛大將

軍末怛活生升朝檢校太子賓客樂安郡王升朝生庭湊

成德節度使庭湊生元達檢校司空

案唐世系表及藩鎮傳俱作檢校司徒

此作司空誤

平章事元達生紹鼎檢校左僕射紹懿

案紹懿唐世系表作

昭懿。案藩鎮傳作紹懿。

檢校司空紹鼎生景崇檢校太傅中書令常

山郡王景崇生鎔太尉中書令趙王五世爲成德軍節度

使鎔生昭祚

河內王氏其先太原人世居祁縣復徙平

州至緡徙侯希逸南遷遂居內河溫縣右武衛大將軍靖

生唐左金吾衛大將軍瓌瓌生緡太子詹事緡生智興字

正諫

案正諫唐世系表作匡諫。案匡字避宋藝祖諱故改爲正

寧武

案唐世系表作武寧此誤倒

軍節度使守太傅鴈門郡王生晏平永州司戶叅軍宰太

原節度使宰初名晏宰其弟曰晏翼晏寶晏恭晏逸晏琛

案晏琛唐世系表作晏琛

晏斌晏韜

匡

太祖皇帝諱上一字其地乃孔子所畏者宋改爲主氏政和中多忌諱官文書不得以主爲人姓又改曰康氏

芳

風俗通漢有幽州刺史芳華敷

案華廣韻作乘通志作垂

謹按後漢馮

異傳有賊芳丹據新豐續漢書芳作茅

狂

謹按左傳宋大夫有狂狡則狂人氏也姓書未收今增入陽成

風俗通漢諫大夫陽成公衡功臣表梧侯陽成延傳封四世元康四年詔復延立孫之子梧公士注王莽時陽成脩獻符命成一作城

陽正

元和姓纂楚大夫食邑陽正以爲氏

楊孫

秦大夫楊孫爲穆公戍鄭密謀取鄭事覺奔宋子孫以王父字爲氏

羊舌

出自姬姓晉公室十一族其一食邑羊舌以邑爲氏羊舌大夫突生職職生赤字伯華肸字叔向鮒字叔魚虎字叔虎季夙字叔巖凡五子赤生子容肸生伯石杜預釋例曰或曰羊舌氏姓季名果有人盜羊而遺其頭不敢食受而埋之盜事發詞連季氏季氏掘羊視之以明已不食唯識其舌存而得免因號羊舌氏

羊角

春秋衛大夫食采羊角以邑爲氏

梁垣

陳留風俗傳曰畢公之後新垣演居大梁之墟子孫氏焉

漢光武御史梁垣例

○案廣韻例作烈

字惠伯又武陵太守梁垣

成

梁餘

春秋晉大夫梁餘子養之後謹按韓氏餘子爲韓餘傅氏留於巖者爲傅餘則梁氏在故國者宜曰梁餘也

梁于

元和姓纂曰晉下軍御梁餘子養之後衛人也亦作梁于氏

梁石

漢隱者梁石君曹參所禮者

商正

出自高辛氏閼伯爲陶唐火正居商正主祀星辰其後以

地爲氏列子有商正開

商密

元和姓纂曰楚大夫以地爲氏謹按左傳注商密郡別邑後爲楚所并其地南陽丹水縣是也

房當

唐時黨項以姓別爲部有房當氏

防風

出自漆姓古諸侯汪芒氏之君其後有防風者強狠不順禹合諸侯於塗山執玉帛者萬國防風後至禹戮之子孫爲長狄大人梁任昉述異記曰吳越間有防風廟土木作其形龍首牛耳連眉一目昔禹會塗山誅防風其足長三

丈其頭專車南中有民姓防風氏卽其後也皆長大越俗
祭防風神奏防風古樂截竹長三尺吹之音如狗嗥三人
被髮而舞

章仇

元和姓纂曰齊公族姜姓之後本章弇其後避仇遂加仇
字爲章仇氏長安元年右史知貢舉張說下進士章仇嘉
昂河間章仇大翼善天文煬帝賜姓盧氏天寶劍南東
川節度戶部尙書章仇兼瓊代居兗州生湛

羌憲

世本曰衛公族羌之孫憲爲羌憲氏

羌正

出姓苑

美師

世本曰衛公族有羌師氏

長勺

○案此與長廬長魚長狄長吾五條原本次王人氏後依廣韻移正

周成王分魯侯伯禽以商民七族其一曰長勺氏春秋魯莊公及齊人戰于長勺卽其地也

長盧

元和姓纂曰列子楚賢者長盧子著書九篇藝文志注曰楚人按莊子以盧爲盧

長魚

春秋晉厲公嬖人長魚矯之後

長狄

元和姓纂曰鄭瞞長狄之後複姓

長吾

元和姓纂曰莊子有長吾子謹按莊子以吾爲梧

相里

晉有相里夫五代時有相里金按僧道世撰法苑珠林言相里出鄭大夫子產之苗裔昔子產之生執拳而出啟手觀之文符相里因以爲氏此釋子好怪之言不足信也

將閭

出自秦公子將閭之後以字爲氏謹按元和姓纂曰漢藝文志有將閭子著書名菟誤矣此莊子所謂蔣閭菟者林

氏以蔣爲將以薤爲薤

將軍

世本衛靈公子郢生文子牟爲將軍氏禮記將軍文子是也

將梁

史記嬴姓之後分封以國爲姓有將梁氏

將其

英賢傳齊公子將其之後以字爲氏

王史

風俗通曰周先王太史其後號王史氏英賢傳曰周共王生圉圉曾孫蒲生簡簡生業業生宰世傳史職因以官爲

氏漢清河太守王史篆生新豐令普漢藝文志禮家有王
史氏二十一篇注七十子後學者劉向別錄云六國時人
按此人卽宰之後篆之先也

王孫

出自周王之孫仕諸侯者別爲王孫氏吳有王孫雒齊有
王孫揮而賈之子王孫齊諡昭子皆以爲氏者又伍員自
吳使齊託其子於齊爲王孫氏

王叔

出自姬姓周襄王季父王子虎爲大宰諡文賜族曰王叔
氏謂之王叔文公其後有王叔桓公王叔陳生皆爲卿士
陳生奔晉其後爲晉人

王官

出自晉戎御大夫王官無地之後

王子

元和姓纂曰周大夫後漢有王子中同治尚書今詳漢人多以姓名字連稱得非王同字子中乎又謹按春秋鄭大夫有王子伯駢王子廖正周王庶子仕鄭以王子爲氏

王人

風俗通曰王人子突之後因氏焉漢有東平太守王人宰公

古今姓氏書辨證卷十四終

古今姓氏書辨證卷十五

十一唐

唐

出自祁姓帝堯初封唐侯其地中山唐縣是也舜封堯子丹朱爲唐侯至夏時丹朱裔孫劉累遷于魯縣猶守故封商更號豕韋氏周復改爲唐成王滅唐以其地封弟虞叔爲晉侯更封劉累裔孫在魯者爲唐侯以奉堯祀唐州方城是也初成王滅唐時子孫散在諸侯以國爲氏春秋時鄭有唐苟楚有唐狡其後魏大夫唐睢年九十餘有名於戰國睢孫厲居沛漢斥止懿侯生朝朝生賢賢生遵遵生中郎將蒙蒙生臨卽令都都生倫倫生林尙書令王莽封

下人如王三辛言今一二三

建德侯林生蔚徙居潁川生武威長惠惠生侍御史賁賁
生大司空珍珍生會稽太守瑁瑁生翔爲丹陽太守因家
焉二子固滂固吳尚書僕射生別部司馬瓊瓊生宣宣生
晉鎮西校尉上庸襄侯彬字儒宗二子熙極熙太常丞娶
涼州刺史張軌女永嘉末遂居涼州生鄆字子產仕前涼
凌江將軍徙居晉昌七子伯廉威季賢幼賢孝達季禮威
爲永世令生宏三子瑤偕諮號三祖瑤字昌仁西涼晉昌
太守永興侯生契和契字永福伊吾王生褒字元達唐世案
系表作宏達後魏華州刺史晉昌公褒生茂字興祖散騎常侍
秦州刺史茂生文祖翼曉保建文祖散騎常侍翼字保相
後魏涼州守五子十五孫三十九曾孫三十四玄孫唐世案

系表翼元孫止三十人

曉字保光後周瓜州刺史保建後周姑臧公

褒弟純字元粹後魏太原太守生令世令世生靈芝北齊

尚書左僕射溫國公

案書唐邕傳云父靈芝北齊魏壽陽令與此異

靈芝生邕

邕生義

案唐世系表義作義

鑒鑒隋雍州太守晉昌公生憲字茂

彝唐雲麾將軍安富縣公憲弟茂純茂琅儉敏茂純右勳

衛將軍儉字茂約禮部尚書特進莒國公八子松齡太常

卿同人司農少卿嘉會洋州刺史

案洋州原本作揚州唐制揚州大都督治無

刺史今据世系表改

善識駙馬都尉觀祕書監皆尤顯者敏字季卿

延漢青汴邠等州刺史生守臣契弟和後魏兗州刺

史善識生欽

案唐世系表善識三子見日建初建亭欽乃和之子爲善識七世從祖此云善識生欽

善識二字疑衍欽生龍驤將軍歡歡生二政後周安東太守二政

生規雲中守酒泉公規生世宗隋洛陽令生璿璿生休璟

案休璟乃洛陽令諳之子諳乃世宗之子此璿相中宗休璟字誤○案据唐世系表並本傳生當爲字之譌

生先慎案唐世系表先慎作先審○案汲古閣本新唐書作先睿睿與慎同睿當爲睿之譌先擇修

忠修孝履直諮字守仁後魏晉昌太守生子化案唐世系表諮字守

字子化此生字下疑有脫文子化生儼東海太守儼生輪青州太守輪

生永後周儀同三司平壽達公○案唐世系表永後周儀同三司平壽忠武公生凌

儀同三司襲平壽達公此儀同三司下有脫文當因兩平壽而誤陵生怡懿防怡字君長

內史大夫漢陽公懿字君德隋隨相三州刺史防工部員

外郎生君侯儀正休正編案唐世系表防子君侯貞休貞編案唐世系表防子君侯貞休貞

書舍人次生放此編字上有脫字中書舍人次生扶持扶字雲翔福建團

練使生嶠字仲申嵩字贊休持字德守容管經略朔方昭

義節度使檢校戶部尚書生彥謙字茂業河中興元節度

副使晉絳閬壁四州刺史號鹿門先生陵弟瓌

案周書唐世系表

瓌俱作謹

後周臨淄文獻公嘗賜姓万紐于氏隋初復本姓五

子詮諒則欽宏宏字君裕職方郎生簡炎皎皎字本明尚書丞左益州長史七子如珪字令問祕書郎如玉字令德河南府兵曹參軍不占字思義金部員外郎不佞字思直考城令之武字知言懷集令之奇字知子給事中舉兵討武后亂者季孝字幼忠益州

案季孝唐世系表作遺孝益州作汴州

倉曹參

軍皎弟臨字本德雍州長史工刑兵禮吏戶六尚書四子

旦字曉明太子中舍晃字正明晉州長史景字廣明河南

府士曹參軍昇字高明邢州司功參軍景生給事中紹字

遵業驪山講武時以軍容不整被誅紹生朝徹及宣慈

棠

出自姜姓齊大夫棠公食采棠邑其子無咎隨母適崔武子以棠爲氏

郎

出自姬姓魯懿公孫費伯帥師城郎因居之子孫氏焉郎魯邑也春秋魯莊公築臺于郎季武子築郎囿卽其地漢有郎含後漢郎顗字稚光北海人石趙司空郎安北又含五世孫魏伏波將軍芳徙居中山新市縣後燕有祕書監郎敷五代梁有軍將郎公遠

琅

姓苑云齊有琅過春秋左傳

○案春秋左傳上疑脫謹案二字

晉襄公二

十二年齊侯伐衛齊大夫狼遽疏爲右翼車右其字與晉狼暉之狼衛遽瑗之遽同今姓書皆以狼爲琅以遽爲過而脫去疏字起於何承天一誤而後世疑僞相承至今未改雖林寶能通春秋惜乎未嘗是正今如此類者皆駁去之

○案以上九十七字原本誤入唐溪條下今移正

狼

晉大夫狼暉齊大夫狼遽疏之後又河南狼氏後魏官氏志叱奴氏改焉

倉

漢文帝時爲吏者長子孫掌倉吏亦以倉爲氏魏倉慈字

孝仁爲燉煌太守民夷稱其德惠唐貞觀所定果州武都

郡七姓一曰倉

案急就篇作黃帝史官倉頡之後左傳周有倉葛又漢倉公姓淳子號倉公

蒼

出自高陽氏才子八人天下謂之八愷其一曰蒼舒後世以字爲氏漢江夏太守蒼英因官居焉遂爲江夏人

剛

出姓苑宋有散祇候剛仁遇抵罪

桑

出自少皞氏一號窮桑子孫以桑爲氏謹按王子年拾遺記曰窮桑者西海之濱有孤桑之樹直上千尋葉紅根紫萬歲一實食之後天而老白帝子與皇娥泛於海上窮桑

以贈答謂之桑中皇娥生少昊號曰窮桑氏姓苑諸書皆
曰出自嬴姓秦穆公時公孫枝字子桑其孫以王父字爲
氏或單爲桑氏齊大夫有桑掩胥漢御史大夫桑弘羊石
晉宰相桑維翰河南洛陽人生大理司直坦左拾遺塤宋
朝濟州鉅野桑氏河西節度使贊有傳生德昌德昂德莊
並供奉官

喪

亦作
密

姓苑云人姓無定望元和姓纂說同謹案五代史桑維翰
舉進士主司惡其姓以爲桑喪同音則世宜有喪氏唯姓
源韻譜以爲楚大夫襄老後誤矣襄老姓屈其後自爲襄
氏古人以奉葬爲襄事亦不盲喪不宜附會而爲之說也

康

出自姬姓周文王子封爲衛侯諡曰康叔支孫以諡爲氏

或云康叔初食采於康故謂之康叔其地潁川康叔城是

也南史康徇

○案南史本作絢此作徇誤下同

字長明華山藍田人其先

出自康居初漢置都護盡臣西域康居亦遣侍子待詔河

西因留不去其後遂氏焉晉時隴右亂遷于藍田徇曾祖

堅

○案南史本作因此作堅誤

爲符堅太子詹事生穆穆爲姚萇河南

尹宋永初中率鄉族三千餘家入襄陽之峴南宋爲置華

山郡藍田縣寄立於襄陽以穆爲秦梁二州刺史生絢伯

元龍父元撫並爲流人所推相繼爲華山太守絢司州刺

史衛尉卿諡壯唐徐浩作康府君墓誌云康叔子王孫牟

謚康伯子孫爲氏唐太學博士康國安遠祖過江居丹陽
又徙會稽國安崇文館學士以明經高第供奉白獸門有
集十卷又開元合州刺史康希詵字南金有集二十卷希
銑兄顯爲修書學士有辭苑麗則三十卷海藏連珠三十
卷瀘州刺史康元辯字通理有集十卷本朝避太祖廟諱
改匡氏爲主氏政和間以民姓主爲嫌並改爲康氏

荒

出姓苑

鄺

音荒

謹按唐叛臣傅高駢故吏鄺師虔收葬駢

黃

出自嬴姓少昊金天氏裔子曰昧爲水官號玄冥師生臺
駘能業其官宣汾洮障大澤有功顓帝嘉之封諸汾川其
後爲沈姒蓀黃四國以國爲姓東周時黃人出仕諸侯衛
懿公有前驅將黃夷晉欒盈之黨有黃淵是也齊威公霸
諸侯黃人嘗會盟于貫于陽穀魯僖公十二年楚滅黃其
族遂仕楚春申君歇卽其後西京雜記曰古有東海黃公
能制蛇御虎立興雲霧坐成山河漢丞相霸太尉瓊世居
江夏後漢尙書令香居會稽餘姚香孫南陽太守子廉名
守亮又居零陵魏侍中權又居巴西香嘗爲東郡太守又
家東郡唐貞觀所定虢州江夏郡三姓泉州安南郡六姓
括州松陽郡三姓曹州東陽郡十一姓濮州濮陽郡六姓

皆有黃氏元和姓纂有江陵洛陽晉安三族皆唐世士人
新望

皇

風俗通云三皇之後非也謹按皇氏出自子姓宋戴公子
充石字皇父爲宋司徒其孫南雍缺以王父字爲皇父氏
或去父稱皇氏蓋古者冠字而六十稱父別爲兩氏於理
有稽春秋時皇氏仕宋其族仕鄭在宋者曰充石十世孫
皇瑗爲宋司徒生麋野般郎麋司徒野字子仲司馬食邑
於鄴謂之鄴般又大司馬非我右師緩皇國父皇奄傷皇
伯皇懷仕鄭者曰皇武子皇頡皇辰皇戌戌子皇耳元和
姓纂曰吳青州刺史皇象居江都後裔徙吳郡神仙傳有

皇初平居山陰隋上州刺史新豐伯皇冲自云漢皇運之
後出上洛

湯

出自子姓成湯之後以諡爲氏五代有唐嵐州刺史湯羣
董昌僞相湯白今望出范陽

汪

出自古諸侯汪芒氏之裔春秋時魯公爲有嬖僮汪錡

錡左傳作錡
檀弓作畸

能執干戈以衛社稷戰齊師死焉孔子命魯

人勿殤之唐歙州刺史汪華始居新安故望出新安今黟
歙之人十姓九汪皆華後也陳稷州別駕汪綱陳亡自歙
州徙河間又有河間汪氏

芒

出自商王帝芒之後史記魏有芒卯

臧

出自姬姓魯孝公子彊字子臧其孫以王父字爲氏一曰

彊食采臧邑爲臧孫氏

案公子彊左傳卽稱臧僖伯此云彊字子臧其孫始以王父字爲氏

則彊子達何以卽稱臧哀伯服虔云庶公子則以配字爲氏尊公族展氏臧氏是也禮記正義庶子以二十字爲氏亦臧氏也惟通志謂以邑爲氏後世單爲臧氏僖伯彊生哀伯臧孫達達

生文仲臧孫辰辰生宣叔臧孫許許生武仲臧孫紇及定伯臧爲皆魯卿又昭伯賜頃伯會臧賓如臧疇臧賈臧石臧堅皆魯大夫後漢二十八將城門校尉朗陵侯臧宮世居潁川又有烈士臧洪晉有臧混六世孫榮緒居東莞葛

囊

縣唐羽林大將軍臧懷亮居天水故望出潁川東莞天水
出自芊姓楚莊王公子貞字子囊其孫瓦字子常爲令尹
以王父字爲囊氏

印

後蜀李壽攻朱提以印攀爲前鋒姓苑云出自穆公子印
後以王父字爲氏

唐溪

後漢延篤從潁川唐溪典受左氏傳先賢行狀曰典字季

度

案原本此下有辯琅過一條
乃琅氏下注文今刪此屬彼

唐山

漢禮樂志有房中祠樂高帝唐山夫人所作韋昭曰唐山姓也

唐孫

世本祁姓唐堯之後其孫仕晉自爲唐孫氏

堂邑

前漢張騫應募使月氏與堂邑氏奴甘父俱出隴西注漢書音義曰堂邑氏漢人其奴名甘父騫後與胡妻及堂邑父俱還漢上拜堂邑父爲奉使君

棠谿

其先周大夫食邑棠谿謂之棠谿公後地入於楚故吳王之弟夫槩王奔楚爲棠谿氏其後字訛爲唐谿氏

當塗

後漢公孫述傳光武與述書曰圖讖云代漢者當塗高東觀記曰姓當塗名高

蒼林

黃帝二十五子其一曰蒼林氏與青陽同爲巳姓

桑止

漢有桑止公著書五篇元和姓纂曰下邳有桑止氏謹按王子年拾遺記曰少皞號曰窮桑氏亦曰桑止氏六國時桑止子著陰陽書卽其裔也

桑扈

史記桑扈乎古賢人英賢傳曰宏農有此氏

皇甫

出自子姓宋戴公白生公子充石字皇父爲司徒生季子
來來生南雍缺以王父字爲氏缺六世孫孟之生遇避地
奔魯裔孫鸞漢興自魯徙茂陵改父爲甫後漢皇甫規字
威明安定朝那人祖父稜度遼將軍父旗扶風都尉又漢
安定郡嵩生陵始居安陵裔孫珍義資建二州刺史生嵩
陵令文亮黃門侍郎文房文亮生鏡幾鄰幾知常鄰幾太
子洗馬生憬悰悰愉愉生鏞字和卿太子少保鏞相憲宗
生珪字德卿珪生蘊字待價京兆萬年皇甫氏隋并州司
馬誕生唐民部尚書滑良公無逸字仁儉五代晉將皇甫
遇甘陵將皇甫暉唐貞觀所定涇州安定郡六姓其一曰

皇甫賈執姓氏譜謂之安定五姓魏定安定皇甫在乙門
又舊滎陽四姓

皇子

元和姓纂曰莊子有皇子告敖

湯滂

唐武德時東女國王姓湯滂氏始遣使入貢高祖厚報之
臧會

元和姓纂曰魯大夫臧頃伯會之後別爲臧會氏

臧文

元和姓纂曰魯大夫臧文仲後氏焉

古今姓氏書辨證卷十五終

古今姓氏書辨證卷十六

十二庚

更

戰國策魏有更盈能虛弓落鴈鴈先被傷故得之後世傳
鳥聞虛弦而下蓋起於此

彭

出自顓帝高陽氏之後顓帝曾孫犁爲高辛氏火正有大
功實能光融天下命曰祝融弟吳回嗣守其職生陸終陸
終有子六人其三曰錢爲彭姓封於大彭今彭城是也大
彭氏謂之彭祖其後別封豕韋諸稽舟人三國商之中世
大彭豕韋皆伯諸侯而豕韋之裔別爲韋氏諸稽之後無

聞舟人後自爲禿姓唯大彭常爲彭姓商末大彭氏失國
子孫處申楚文王伐申取彭仲爽以歸使爲令尹相楚有
功能滅申息以爲郡縣廣楚封畛至於汝水而陳蔡之君
皆入朝故仲爽家世爲楚大夫後秦鎮軍將軍彭白狼揚
威將軍彭蚝後涼張掖太守彭晃南涼彭敏秦隴之冠

英

出自偃姓皐陶之後封國於英春秋時楚滅英子孫以國

氏漢九江王英布六人

案漢書黥布六人也姓英氏

平

出自韓侯少子嬉食采平邑秦滅韓因徙下邑氏焉漢丞
相平當生司徒晏九代孫自扶風徙燕郡薊門前燕有護

軍將軍領將作大匠平燕唐有詩人平曾

荆

史記燕荆軻謂之荆卿唐時荆氏望出絳郡今望出廬陵

明

出自姬姓虞仲之後公族有井伯奚生孟明視孟明字也

古人先字後名故曰孟明視視爲秦穆公將霸西戎有功

其孫以王父字爲氏後居鬲縣望出平原南史明僧紹傳

曰百里奚子孟明以名爲姓誤矣僧紹祖玩州從事父略

給事中僧紹字休烈生元琳仲璋山賓山賓字孝

○案原本孝諱

若梁國子祭酒弟少遐字處默都官尙書生司空

山据南史改

記室罕僧紹兄僧裔冀州刺史生

○案原本脫生字据南史補

慧照弟

僧高青州刺史明氏南渡雖晚並有名位自宋至唐爲刺史者六人唐有諫議大夫明崇儼

鳴

出自趙賢人竇犢字鳴犢非罪被殺子孫以字爲氏

榮

魯莊公時有榮叔來錫命文公時有榮叔來歸含皆周大夫又魯宣公弟叔肸之子曰聲伯嬰齊生榮字駕鸞亦以榮爲氏謂之榮成伯孔子弟子有榮旂字子旗漢有魯人榮廣字王孫通穀梁春秋楚大夫亦有榮黃字季勸子玉捨瓊弁者晉寧朔將軍榮胡以彭城降慕容雋又段遼將榮保

卿

風俗通云虞卿之後或云項梁將卿子冠軍之後戰國策

有卿秦爲魏將軍

案史記燕王喜使卿秦攻代趙使廉頗破之則秦乃燕將此作魏將誤

唐

貞元時邵州進士卿侃望出邵陽

黥

淮南王英布少時人相之當黥而王已而坐法黥以刑徒
謫輸驪山後王九江及淮南因謂之黥布

行

周禮大行人之後以官爲氏後漢初隗囂遣將行巡寇扶
風注曰行姓巡名風俗通云漢有行祐爲趙相

衡

風俗通曰伊尹爲阿衡因以爲氏一云魯公子公衡之後
以王父字爲氏漢莒人衡胡傳田氏易又臨淄衡氏袁紹
敗後支孫避漢衡山改爲衡氏唐邕管經略使董昌誣殺
參軍衡方厚

彭祖

大彭支孫以號爲氏

平林

元和姓纂曰史記平林老之後氏焉

案史記乃平陵老元
和姓纂亦作陵此引

爲平林
氏悞

平寧

出姓苑

平陵

出姓苑

京城

鄭京城太叔之後亦爲京城氏列子曰京城氏之孀妻卽其家也

京相

晉京相璠注地里書桑欽酈道元皆引用之

榮錡

謹按左傳魯昭公二十一年周景王田北山崩于榮錡氏杜注曰河南鞏縣西有榮錡澗然則大夫食其地者氏焉今增入

樂叔

韓有大夫樂叔遇

行人

元和姓纂曰左傳陳行人儀之後衛有行人燭過皆以官爲氏謹按春秋陳行人子徵師晉行人子貢行人子朱衛鄭皆有行人子羽未嘗爲氏今以儀燭過後爲氏者林寶之誤也

十三耕

閔

史記周文王四友閔天之後漢有廣陵相閔儒顏師古注尹翁歸傳曰閔姓也

司

許橫切謹按蜀錄秦州流民訇氏據成都求救於成主
李雄以兵救之又天水人司琦殺成太尉李離

萌

出姓苑

案字典廣韻均不載此字疑卽萌字之訛正
字通有五代蜀裨將萌慮者今附入耕韻

十四清

清

出自晉大夫食邑於清其地河東聞喜縣北清源是也晉
厲公嬖大夫清沸魑始以邑爲氏史記貨殖傳有巴蜀寡
婦清秦皇帝以爲貞婦而客之

羸

出自顓帝裔孫

案索隱女修顓頊之裔女吞黿子而生大業其父不著而秦趙以母族而祖顓頊非

生人之義左傳鄭國少昊之後而嬴姓蓋其族也則秦趙宜祖少昊氏卽史記本紀亦未嘗謂出自顓頊此作出自

顓頊末詳所本

曰女修吞玄鳥墮卵生大業大業取少典之子曰

女華女華生大費與禹平水土帝賜之皐旂佐舜調馴鳥

獸是爲柏翳舜賜姓嬴氏大費二子一曰大廉實鳥俗氏

二曰若木實費氏其玄孫曰費昌或在中國或在夷狄費

昌當夏桀時去夏歸商爲湯御以敗桀於鳴條大廉玄孫

曰孟戲仲衍鳥身人言爲帝太戊御世有功以佐商國故

嬴姓多顯玄孫中湏在西戎保西陲生蜚廉蜚廉生惡來

父子俱以材力事紂惡來生女防女防生旁皐旁皐生大

几大几生大洛

○案史記洛作駱

大洛生非子周孝王使主馬汧

渭之間馬大蕃息於是孝王曰昔柏翳爲舜主畜畜多息
故有土賜姓嬴氏今其後世亦爲朕息馬朕其分土爲附
庸邑之秦使復續嬴氏祀號曰秦嬴生秦侯秦侯生公伯
公伯生秦仲秦仲始大有車馬禮樂侍御之好國人作車
鄰之詩美之生莊公莊公生襄公襄公備其兵甲以討西
戎始取周地受顯服爲諸侯有田狩之事園囿之樂僭西
時祭白帝大夫作駟驥小戎終南之詩美之孫曰寧公○

秦本紀襄公生文公文公太子卒賜諡諡
公諡公子立爲寧公此孫上疑脫曾字

生武公德公德

公生宣公成公穆公穆公名任好能用賢人大霸西戎子
四十人可見者太子罃罃弟弘女簡璧皆夫人晉姬所生
罃立爲康公康公生秦伯稻是爲其公共公生桓公桓公

生景公及后子鍼字伯車

○案徐廣小司馬俱引世本云景公名后伯車也似有脫誤然

左傳秦伯車如晉蒞盟史記秦紀及年表屬之景公則相延已久故春秋分紀亦承其謬此從韋昭杜預說直云鍼

字伯車較勝

景公生惠公哀公哀公會孫悼公悼公五世孫獻

公獻公生孝公用商鞅計強兵力農以雄諸侯孝公生惠

王惠王生武王昭襄王昭襄王生孝文王孝文王生莊襄

王莊襄王生始皇帝政改姓趙氏始皇立二十六年初并

天下在位五十一年少子胡亥立爲二世皇帝趙高弑二

世立其兄太子扶蘇之子子嬰項羽誅之遂滅秦春秋時

又有黃徐梁葛邛穀麋七國皆嬴姓與秦同出

案史記秦之先爲嬴

姓其後分封以國爲姓有徐氏莒氏終黎氏運奄氏莒裘氏將梁氏黃氏江氏修魚氏白冥氏蜚兼氏秦氏然秦以

其先造父封趙城爲趙氏其以人見於左傳者曰秦公子憖徐子章禹

及其夫人邳子邳夫人麋子梁伯及其女梁嬴卜招父父
子至漢有嬴公治公羊春秋爲畦孟師世居東平不知爲
何國之後望出東平

邳

音盈

出姓苑

營

風俗通曰周成王卿士營伯之後氏焉

嬰

風俗通曰晉大夫趙嬰齊之後氏焉

成

出自芊姓楚若敖之孫令尹得臣字子玉以王父字爲氏

得臣生大心字孫伯及子西子孔子孔名嘉與孫伯皆爲
令尹其後成虎字熊爲大夫裔孫散仕他國者周爲大夫
成恣成秦差宋成謹晉成何成鮑是也漢成雄居上谷孫
羨後周常山公唐中書令成汭五代有將軍成美謹按春
秋時周魯皆有成邑當時大夫之食其邑者未必不以爲
氏芊姓成氏自子玉孫伯而下皆以名顯諸侯後嗣又不
乏人則以王父字爲氏在理不疑而周大夫宜亦楚人之
裔也

酈音成

出自姬姓周文王子叔武封爲酈伯後失其國子孫以國
爲氏戰國時酈午仕趙改爲成氏

○案韓非子及戰國策並云大成午從趙謂申

不害於韓史記趙世家有大戊午戊卽成之譌也鮑注國策誤載大字屬上章讀遂以成午爲趙人鄧氏又改成爲

廊誤益

甚矣

程

出自顓帝生稱稱生老童老童二子重黎重爲南正司天
唐表又曰重爲火正司地其後世爲掌天地之官裔孫封
於程是爲程伯雒陽上程聚卽其地西漢地里志右扶風
安陵縣闕駟以爲卽古之程邑是也周宣王時程伯休父
失其官守以諸侯入爲王司馬故以邑爲程氏其族別爲
司馬氏程氏世居長安唐利州刺史思奉生左贊善大夫
子珪子珪生太子左諭德獻可獻可生昇字師舉相憲宗
昇生巽謹按左氏傳晉荀氏支子食邑於程以邑爲氏晉

下卿程鄭大行程滑後漢漢中上計吏程包漢中五官掾
程信漢中程文矩爲安衆令魏安卿侯程昱文中子弟子
程元陳鎮安將軍重安忠壯公靈洗詳具尙書郎番陽程
祁忠彥所撰世譜

并

平聲

梁大同七年有并韶者交趾人富於詞藻詣選求官吏部
尙書蔡樽以并姓無前賢除廣陽門郎韶恥之還鄉與李
賁爲亂

精縱

英賢傳曰周成王子精別封縱邑因以爲氏

嬰齊

元和姓纂曰出芊姓楚令尹子重曰公子嬰齊後氏焉

成公

李利涉編古命氏曰出自姬姓周昭王子成公男之後漢藝文志有成公生與李斯子由同時而不仕晉成公綏字子安有傳石虎有左校令成公段以造庭燎不善被誅南涼有大司農成公緒宋棣州成公氏安仁令斃生乾州判官恕恕生三傳出身湘湘生階州司戶純臣

成陽

漢有安陽護軍成陽恢生謁者僕射昇

并官

并一作并先賢傳云孔子娶并官氏生伯魚

案并一作元音堅或作并

或作上未有可證不能定從何字又據元本作开說文曰
兩干對舉也然則元官者其掌开之官而後以爲氏者

古今姓氏書辨證卷十六終

古今姓氏書辨證卷十七

十五青

青

黃帝子青陽氏爲青氏

經

千姓編曰望出平陽

邢

出自姬姓周公第四子靖淵封爲邢侯其地廣平襄國縣是也春秋魯僖公二十五年衛文公滅邢子孫以國爲氏齊大夫邢公晉大夫邢伯邢侯勇士邢蒯其後世爲滁州全椒人漢司空邢綏之後有文偉相唐武后五代梁洺州

刺史善益萬勝小將師遇晉衛尉卿德昭高麗廣評侍郎
順欽州民旌門閭者釗

陘

音形

元和姓纂曰魯大夫有陘氏之後

丁

出自姜姓藝文志有丁子著兵書後漢末南郡太守丁遵
因官家焉故望出濟陽漢儒林傳濟陽丁寬之後望出陳
郡又丁國夢松生腹上爲三公後漢末有丁原晉秦州刺
史丁聿又望出譙國扶風曹世叔子婦丁氏作曹大家贊
桓玄參軍丁赤又望出西河赤四世孫興魏西河太守後
燕莊獻太子妃丁氏兄子七兵部

○案部
字疑衍

尙書信南燕有

右僕射通宋開封祥符丁氏贈太師顗生逢吉贈太師中書令逢吉生度工部侍郎參知政事觀文殿學士贈右僕射諡文簡有傳

星

羊氏家傳曰南陽太守羊續娶北海星重女今望出濟北

靈

出自子姓宋文公子圉龜字子靈其孫不緩爲左師以王父字爲氏左傳晉趙宣子得靈輒於翳桑別一族漢功臣表有陽羨定侯靈常以擊鯨布功侯生共侯賀賀生哀侯勝元康四年詔復常立孫南和大夫橫家左傳越大夫靈姑浮以戈擊傷吳闔廬

洽

元和姓纂曰後漢方伎傳有洽壽光江都人宋有狂民洽

青開封人

洽

○案姓洽之洽廣韻入上聲四十一迥其平聲十五青洽字不注人姓此條原本收入迥韻今依鄧氏原書從顏師

古音零附青

韻洽氏後

顏師古曰音零漢功臣下相莊侯洽耳以拒黥布功侯子順嗣元康四年詔復耳玄孫長安公士安家元帝功臣駟望侯洽廣望出河內者又淮南洽封字次君傳公羊顏氏學自名其家官至淄川太守急就章漢有洽幼功河內人後漢護羌校尉洽徹

寔

史記太史公曰禹本姁姓其後分封以國爲姓有冥氏漢
冥都治公羊春秋泰山人師事堂谿惠故公羊顏氏復有
冥氏

甌

平音

風俗通漢太子太傅甌守後漢北海甌巽字子然孔融以
其賢配社祭之元和姓纂曰後趙有甌刪謹按孔融傳或
作甄子然未知孰是

青史

英賢傳云晉太史董狐之子受封於青史因氏焉漢藝文
志有青史氏其書五十七篇世以史書總謂之青史其說
蓋起於此

青陽

風俗通曰青陽黃帝子國語曰青陽爲己姓黃帝娶方雷氏女生青陽少昊氏也後世以爲氏漢有東海太守青陽愔又有東海中尉青陽精前蜀王氏樞密使唐道襲其母青陽氏夢白衣神人逼而交之乃生道襲又范禹偁有門生青陽誠對語終日飲井水一杯唐貞觀所定鄭州滎陽四姓一曰青陽

青牛

謹按後漢方伎傳有封君達號青牛道士

青烏

神仙傳有青烏公

經孫

出姓苑

邢莫

官氏志代北邢莫氏後改爲莫氏

○案今本魏書無此文

形成

姓解曰史記有此姓

涇陽

秦太后弟封涇陽君因氏焉漢有駙馬都尉涇陽王

丁若

風俗通云齊丁公子懿伯食采於若因氏焉晉有遂興令

丁若某字堅固

案元和姓纂作丁若賢字弘固

泠淪

元和姓纂黃帝樂官泠淪氏之後氏焉

泠洲

元和姓纂曰伶州鳩之後誤矣州鳩周景王之伶人也左氏國語未嘗以泠州爲姓後世亦無此氏

十六丞

承

世本衛大夫成叔

案原本脫成叔二字據後漢書承官傳注補

承之後後漢侍

中承官字少子琅邪姑幕人子疊官至濟陰太守神仙傳承蟾白曰昇天

陵

宋泰寧軍節度使李從善母陵氏封吳國太夫人

凌

齊有凌居又出會稽諸暨又唐節度使王勣誅河中悍將
凌正

應

平聲

出自姬姓周武王子應侯之後以國爲氏漢有應曜隱居
淮陽山中與四皓俱召曜獨不至時人語曰商山四皓不
如淮陽一老立孫順字華仲居汝南南頓後漢建武初有
應姬者生四子而寡見神光照社試探之乃得黃金自是
諸子宦學並有才名至瑒七世通顯姬卽華仲母也華仲
爲河南尹次子疊江夏太守生郴武陽太守郴生奉字世

叔讀書五行俱下爲司隸校尉著後漢書序感騷三十篇
奉子劭字仲遠一作仲援太山太守著漢官儀風俗通及
春秋斷獄三十卷劭弟珣字季瑜司空掾生瑒瑒字德
璉魏太子文學璒字休璉侍中從弟君苗君胄璒子貞晉
散騎常侍弟純純子詹過江晉賜觀烈侯子誕晉江州刺
史自順居汝南南頓故望出汝南唐靖州刺史智育

乘

平聲

河南人乘弘晉吳興人乘越皆爲郡望

勝

平聲

元和姓纂曰本勝屠氏後世避仇改爲勝氏

仍

夏諸侯有仍氏後以國爲氏左傳夏后相娶有仍氏女曰
后緡生少康是也

徵

仁宗皇帝嫌名字與角徵之徵同出自理徵之後吳有率
更令崇望出河南又王莽嘗遣大司馬嚴尤與廉丹擊匈奴
皆賜姓徵氏號二徵將軍

繒

出自姁姓鄆子之後以國爲氏亦作繒氏漢功臣表有繒
賀以戰彭城斬項羽功封祁穀侯子頃侯胡嗣胡生它宣
帝時復其玄孫茂陵公大夫賜家

鄆

古今類事卷十一
出自姒姓鄆子之後仕魯者以國爲氏

陵陽

姓苑曰子明

○案子明上疑脫陵陽二字

釣得白魚腹內有穀服之登

仙

勝屠

前漢有河東太守勝屠公

十七登

登

元和姓纂曰後漢有左馮翊登道將作大匠登豹蜀有關
中流人登定舊望出始平今望出南海

曾

出自姒姓夏少康封其少子曲烈於鄆魯襄公六年莒滅

鄆鄆太子巫仕魯去邑爲曾氏居南武城巫生天爲季氏

宰天生阜

○案通志氏族略作巫生阜無天

爲叔孫氏家臣阜生點字皙

點一作蒧生參乎子與參生元申元生西西生欽欽生尋

尋生羨羨生遐遐生盈盈生樂漢山陰縣都鄉侯樂生浼

浼二子旃光旃生嘉光生壽壽生弁弁生子方家長沙是

爲長沙房嘉二子寶頊頊家扶風是爲扶風房生二子玉

後家冀州昌後家青州寶生炎炎生據避王莽亂渡江居

廬陵縣吉陽鄉是爲吉陽房據二子闡瑒闡生植植生橫

橫生興興生丞丞三子珪舊略珪吉陽鄉舊雲蓋鄉略居

撫州南豐是爲撫州房闡十世孫震忽又家韶州爲韶州

房瑒生永家虔州爲虔州房瑒十二世孫通始家交州是爲交州房此曾氏舊譜也譜之後又著九祖一祖晉永嘉二年徙居會稽一祖詮之後家扶風一祖漢尙書令偉白云參五世孫一祖漢福州刺史曜曾孫晉景侯渙之後家蜀郡一祖漢御史大夫游二十四世孫撫州長史盈之後家豫章一祖漢泗州別駕惠十一世孫詠之後家吳郡一祖參六代孫潁川太守岌之後家河內一祖襄州錄事參軍炅十八代孫黃門侍郎琦之後家襄陽又蜀郡爲第二房豫章第三房南陽第四房吳郡第五房河內第六房又有居江夏者漢岐州刺史綸之後綸子迴賞爲廷尉司隸云

備

姓書曰漢南山盜帥備宗音多亦音朋此以形似取之之
誤也謹按王尊傳尊爲高陵令時南山盜帥備宗等數百
人爲吏民害尊捕殺之蘇林曰備音朋晉灼曰音倍師古
曰晉音是然則諸書音多無據合從師古爲正

案備一作
備集韻廣

韻音韻均音朋
今仍收入登韻

弘

元和姓纂曰唐避諱改爲洪氏風俗通曰衛大夫延

○案
通志

氏族略
引作演

之後漢五鹿充宗受學於弘成子成子少吞五色

石大如燕卵遂大明悟爲天下通儒宋朝避諱改爲洪今
居丹陽豫章者是也

滕

出自姬姓黃帝子得姓者十四其一曰滕或云周文王子封爲滕侯所爲滕叔繡之後以國爲氏孟子弟子滕更是也

滕叔

元和姓纂曰滕叔繡之後爲氏楚考烈王時有大夫滕叔肅

古今姓氏書辨證卷十七終

古今姓氏書辨證卷十八

十八尤

上

郵

出自王良字無卹爲晉趙簡子御食邑於郵子孫以邑爲

氏

鄆

音憂

鄆大夫食采南鄆鄆邑楚并其地子孫氏焉

劉

商末徙封於唐

○按此句上當有脫文

居堯之故墟又爲唐氏周成

王滅唐封其後於杜陵又爲杜氏杜伯事周宣王無罪見殺其子隰叔奔晉生士蒍爲士師有功因官命氏又爲士

氏薦生成伯缺缺生武子會魯文公六年晉人使士會逆公子雍不得入士會遂留事秦晉靈公八年召士會于秦秦人歸之其子孫處秦者爲劉氏生明明生遠遠生陽于世孫戰國時獲於魏遂爲魏大夫秦滅魏居大梁生清徙居沛清生仁號豐公生太公端字執嘉卽太上皇也煇四子伯仲邦交邦字季漢高祖皇帝劉向頌高祖云漢帝本系出自唐帝降及於周在秦作劉涉魏而東遂爲豐公是也高皇帝八男呂后生孝惠帝曹夫人生齊悼惠王肥薄姬生孝文帝戚夫人生趙隱王如意趙姬生淮南厲王長諸姬生趙幽王友趙其王恢燕靈王建淮南及其子衡山濟北王自有傳高祖弟楚元王交字游生太子辟非夷王

郢容平陸侯禮休侯富沈猶侯歲宛胸侯執棘樂侯調夷
王生戊有罪立平陸侯禮爲楚文王生安王道道生襄王
注注生節王純純生延壽國除休侯富子四人辟彊字少
卿爲宗正生宗正陽城侯德德字路生向字子政本名更
生爲漢名儒光祿大夫中壘校尉著新序說苑列女傳少
子歆字子駿爲王莽國師有傳高祖兄伯子信爲義頡侯
子喜爲代王仲子濞爲吳王從父兄賈爲荆王從祖兄澤
爲燕王有荆燕吳傳孝文皇帝四男竇皇后生孝景帝梁
孝王武諸姬生代孝王參梁懷王楫有文三王傳孝景帝
十四男王皇后生孝武皇帝栗姬生臨江閔王榮河間獻
王德臨汝哀王闕程姬生魯恭王餘江都易王非膠西于

王端賈夫人生趙敬肅王彭祖中山靖王勝唐姬生長沙
定王發王夫人生廣川惠王越膠東康王寄清河哀王乘
常山憲王舜有景十三王傳孝武皇帝六男衛皇后生戾
太子據趙婕妤好生孝昭皇帝王夫人生齊懷王閔孝姬生
燕刺王旦太子生史皇孫史皇孫生宣帝有武五子傳孝
宣帝五男許皇后生孝元皇帝張婕妤好生淮陽憲王欽衛
婕妤好生楚孝王囂公孫婕妤好生東平思王宇戎婕妤好生中
山哀王竟孝元皇帝三男王皇后生孝成帝傅昭儀生定
陶王康馮昭儀生中山孝王興皆有傳定陶恭王生欣成
帝無子以欣爲皇太子卽位是爲孝哀帝追尊恭王爲恭
皇置寢廟京師中山孝王興生衍哀帝無子召中山王衍

入卽位是爲孝平皇帝改立東平思王孫成都爲中山王
奉孝王祀後漢世祖光武皇帝諱秀字文叔南陽蔡陽人
高祖九世孫出自景帝子長沙定王發生春陵節侯買買
生鬱林太守外外生鉅鹿都尉回回生南頓令欽蕭令良
良趙孝王也南頓君娶同郡樊重女字嫻都生三男長齊
武王縯子伯升次魯哀王仲次光武光武皇帝十一子郭
皇后生東海恭王強沛獻王輔濟南安王康阜陵質王延
中山簡王焉許美人生楚王英光烈皇后生顯宗東平憲
王蒼廣陵思王荆臨淮懷王衡瑯琊孝王京孝明皇帝九
子賈貴人生肅宗孝章皇帝陰貴人生梁節王暢後宮生
千乘哀王建陳敬王羨彭城靖王恭樂城靖王黨下邳惠

王衍淮陽順王昞濟陰悼王長孝章皇帝八子宋貴人生
清河孝王慶梁貴人生和帝申貴人生濟北惠王壽河間
孝王開後宮生千乘貞王伉平春悼王全城陽懷王淑廣
宗殤王萬歲和帝二子平原懷王勝孝殤帝殤帝無子立
清河孝王慶長子祐是爲孝安帝安帝後宮李氏生孝順
帝順帝後宮虞姬生孝冲帝冲帝無子立河間王孫解瀆
亭侯萇之子弘是爲孝靈帝靈帝何后生皇太子辯王美
人生孝獻帝謹按東周時王之卿士食采於劉者以邑爲
氏出自姬姓王季子劉康公生定公劉夏夏生獻公劉摯
摯生文公劉卷一名狄字伯益卷生劉桓公及劉毅劉佗
劉州鳩其族仕晉者曰劉難與定公同時此別一家也

彭城劉氏漢宣帝生楚孝王囂囂生思王衍衍生紆紆生

居巢侯般字伯興般生愷字伯豫後漢太尉司空愷生茂

字叔盛司空太中大夫徙居叢亭里六世孫訥晉司隸校

尉孫憲生羨羨二子敏該敏生慶後魏東徐州刺史生畛

北齊高平太守生通字子將隋毗陵郡通守通生德威德

敏德智德威字尙重唐刑部尙書生審理工部尙書彭城

公生佺壽侍庶易從易從通

○案唐世系表作漢此通字疑誤

州長史生

中書舍人昇給事中晟

○案唐世系表晟作晟

德智滁州刺史生汾

州刺史延嗣敏從子僧利後魏羽林監生世明世明生偉

字世英北齊睢州刺史二子瑗珉珉北齊睢陽太守生務

本務本生藏器唐比部員外郎藏器生知柔知章子玄子

玄字知幾中書舍人居巢文公六子其顯者曰貺彙

○案唐世

系表彙作彙

餽貺起居郎生浹滋浹生敦質敦儒滋相德宗生

約緒餽河南兵曹參軍

○案唐世系表作功曹參軍

生贊彙尙書左丞

○案唐世系表作尙書右丞

生贊字公佐宣歙觀察使彙弟秩國子祭

酒房瑄愛之所謂曳洛河雖多豈能當我劉秩者秩弟迅

左補闕迴

○案唐世系表迴作迴

給事中又有劉升生景字司光郾

州從事景生瞻字幾之相懿宗彭城輿綏里劉氏漢高祖

弟楚元王交之後交十五代孫混始過江居晉陵丹徒縣

京口里官至武原令混生靖東安太守靖生郡功曹翹翹

生裕字得輿小字寄奴宋高祖武皇帝高祖生少帝義符

太祖文皇帝義隆太祖生孝武帝駿平元凶劭之亂卽位

生前廢帝子業及遇害立文帝第十八子或爲明帝明帝
生後廢帝昱順帝準凡八主六十年南史傳曰宋武帝遺
詔京口要地去都密邇自非宗室近戚不得居之劉氏之
居彭城者分爲三里帝室居綏輿里左將軍劉懷肅居上
里豫州刺史劉懷武居叢亭里三里及劉道產所居呂縣
凡四劉雖同出楚元王由來不序昭穆孝武帝大明元年
深忌竟陵王誕不欲使居京口遷之廣陵始以道產子延
孫爲南徐州據京口以防誕與之合族使諸王序親五年
始召延孫還復以京口授帝子 京兆武功劉氏本出彭
城後周石州刺史懿生韶上儀同二子文靜文起文靜唐
佐命功臣相高祖位納言魯國公生樹義駙馬都尉魯公

文起散騎常侍 弘農劉氏高祖兄代王嘉之後 梁郡

劉氏漢明帝子梁節侯暢之後居梁 尉氏劉氏漢章帝

子河間孝王開世居樂城十世孫通徙居尉氏通後魏建

武將軍南陽太守樂城侯孫能北齊冠

○案据唐世系表此冠下當脫軍字

將軍能生熾唐淮陽王參軍熾生子威子威生仁軌仁相

仁軌字正則相高宗生滔濬濬工部員外郎生晃太常卿

襲樂城公晃生子藩子藩生煇雅州刺史煇生瑑字子俞

相宣宗 臨淮劉氏出自漢光武子廣陵思王荆子俞鄉

元侯平平生彪襲封事繼母以孝聞世號仁義侯生元元

生熙尙書郎熙生述東平太守述生建晉永城令世居臨

淮建生會歷瑯琊內史從元帝渡江居丹陽曾孫彥英宋

給事中通直散騎常侍二子隱人逸人迨梁末又徙晉陵
隱人五世孫子翼字小心唐著作佐郎弘文館學士生懿
之給事中禕之相武后南陽劉氏出自長沙定王生安

衆康侯丹襲封三世徙沮陽裔孫庚

○案唐世系表作庚此庚字誤

字恭

嗣魏侍中關內侯無子以弟子阜嗣阜字伯陵陳留太守

生喬字仲彥晉太傅軍諮祭酒生挺潁州太守二子簡耽

耽字敬道爲尚書令生柳字叔惠徐兗江三州刺史又徙

江陵曾孫虬字靈預宋當陽令文藝先生生之遴字思正

梁都官尚書曾孫洎字思道相唐太宗生都官郎中廣宗

廣平劉氏出自漢景帝子趙敬肅王彭祖生陰城思侯

蒼蒼薨嗣子有罪不得立遂居廣平肥鄉蒼十一世孫邵

字孔才魏散騎常侍十一世孫藻生矜兗州刺史矜孫林甫中書侍郎樂平男林甫生祥道慶道應道祥道相高宗生齊賢更名景先亦相高宗應道吏部侍郎生令植元勉令植禮部尙書生京兆少尹孺之孺之生從一相德宗元勉括州刺史生胸山丞如璠如璠生迺字永夷兵部侍郎正惠公迺生伯芻字素芝刑部侍郎伯芻生寬夫字盛之澤潞掌書記寬夫生允章字韞中煥章字文中元章字求中丹陽劉氏世居句容刑部侍郎三復生鄴字漢藩相懿宗僖宗曹州南華劉氏一曰濟陰劉氏出自漢楚元王交之後自彭城避地徙南華築堦以居世號劉堦隋有東萊令晉字進之二子郁多讓多退郁字蔚卿唐弘文館

學士生懷器恭

案唐世系表恭作泰○案汲古閣本新唐書作恭

恭字寅伯

唐○案世

系表作
伯寅

新井令生知晦字仲昌武功丞知晦生曷

○案唐世系表

曷作

暹曼曷字土明大理司直生傳經專經善經深經暹

字士昭杭州刺史生談經通經全經瞻經遵經志經談經

字辨之大理評事生大理卿濠字潤之志經字仲修雅州

刺史生濠

○案唐世系表及劉晏傳俱作潼此濠字誤

字子固河東節度使晏

字士安相肅宗代宗爲名臣所謂據馬鞭如見錢流土

上者晏生執經宗經

信都劉氏唐冀州武強人幽求相

睿宗爲尙書右僕射同中書門下三品相明皇守尙書左

僕射知軍國事徐國文獻公贈司徒 平原劉氏景帝子

膠東王寄傳國五代後漢有河南尹暹居平原至唐而絕

高唐劉氏淮南厲王長子濟北王勃生崇始居高唐

東平劉氏景帝子魯恭王餘之裔封東平侯因居之 廣

陵劉氏武帝子廣陵厲王胥之後 范陽劉氏廣陵王胥

子西鄉侯宏後徙范陽 濮陽劉氏唐潤州刺史穎秀之

後 宋州虞城劉氏唐有左驍騎衛將軍襄武肅公師旦

并州劉氏唐有少府監葛國公義節本名世龍生鳳昌

有從子箕州刺史思禮 雍州池陽劉氏唐衛尉卿魯襄

公弘基生仁實又有蘭陵劉氏杼秋劉氏宣城劉氏陳留

劉氏並史失其傳 河南劉氏出自匈奴漢高祖以宗女

妻冒頓其俗貴者皆從母姓改爲劉氏中平中單于羌渠

使子扶羅將兵助漢討平黃巾扶羅死子豹爲左賢王生

趙主元海名淵元海生和及聰族子曜皆繼立四主二十六年而匈奴左賢王去卑裔孫庫仁字沒根後魏南部大人凌江將軍弟眷生羅辰定州刺史永安敬公其後又居遼東襄平元魏平定遼東徙家于代隨孝文遷洛遂爲河人洛南羅辰五世孫環雋字仲賢北齊中書侍郎秀容懿公弟仕雋生坦字寬夫隋大理卿昌國縣伯坦生政會唐民部尚書邢襄公生元意字深之汝州刺史駙馬都尉元意生天官侍郎奇奇生獲嘉令慎知慎知生東阿令駿駉生藻字茂實祕書郎藻生符字端期蔡州刺史八子皆登進士第崇龜字子長清海軍節度使崇彝字子憲都官郎中崇望字希徒相昭宗尚書左僕射同平章事贈司空崇

魯字郊文水部員外郎知制誥哭李磎白麻失明者崇謩
字成禹太常少卿弘文館直學士初崔安潛帥許及劔南
崇望昆弟四人同幕府世以爲才崇生珪瓊玕涿州歸
義劉氏幽府左司馬乘生幽州巡官因因生耀遠晉司空
平章事修舊唐史行於世後漢荊州刺史劉度爲蠻所破
隴西太守劉盱中平二年破滇羌涼州刺史劉乘備羌建
武中武威將軍劉尙擊南蠻中郎將劉羌亦擊蠻南史劉
盱與族兄歆並履高操隱居不仕族祖孝標嘗曰盱超超
絕俗如天半朱霞歆矯矯出塵如雲中白鶴皆儉歲之膏
梁寒年之繼續又劉穆之字道和宋武帝左僕射內總朝
政外供軍旅決斷如流事無壅滯賓客輻湊求訴百端內

外詔稟盈階滿室目覽詞訟手荅牋書耳行聽受口並酬
應不相參涉皆悉瞻舉隋劉炫字光伯強記默識莫與爲
儔左畫方右畫圓口誦目數耳聽五事同舉無所遺失然
躁

○案隋書本傳云炫性躁競頗排

諧云云此躁字上下疑有脫文

又儀同三司劉臻精

兩漢書時人稱爲漢聖又平鄉令劉曠百姓感其德化在
職七年獄無繫囚囹圄生草庭可張羅賜姓劉氏漢高

祖五年誅項羽封項伯四人爲列侯賜姓劉氏功臣表有
射陽侯劉纏卽項伯也又是年六月封婁敬爲奉春君帝
曰婁者劉也賜姓劉氏後周賜武鄉公劉志姓宇文長廣
公劉亮姓侯莫陳隋初復舊志孫閔亮孫順

留

出自周封內大夫食采於王畿之留以邑爲氏周莊王時有留子國留子嗟皆賢人莊王不明留氏放逐國人作詩刺之今止中有麻是也謹按子華子後序云子華子程叔本聚徒著書自號程子門人甚多其著書者曰留務滋子又曰鬼谷子姓留卽務滋也

案鬼谷子神仙傳作姓王名詡唐陸龜蒙詩謂名詡不詳

所從出高氏子略謂無鄉里俗姓名隋志亦不著其名此作留務滋未詳所本

漢功臣表有留盼

以客吏從高祖入漢又以都尉擊項羽功封彊圉侯傳國

三世又河間元王有少史留貴史記曰者傳有留長孺以

相彘立名皆子嗟之後魏晉而下常有姓名見於史者元

和姓纂姓源韻譜廣韻皆曰衛大夫留封人之後誤矣莊

王者平王之孫也周自平王東遷四十九年而春秋作當

是時留子爲周大夫而留爲周之采邑未嘗與衛則子國之先氏於邑與春秋隨會原穀同意以地里考之周衰而留入于宋故祭仲往留而宋人執臣瓚注漢志陳留郡曰宋亦有留彭城留是也留屬陳故稱陳留師古曰瓚說是然則古有二留皆未嘗屬衛衛之大夫何自爲留封人也必曰宋陳有留衛與之鄰境而有封人則事在莊王之後亦不得爲留氏之祖今宜以詩爲正

穆

亦作抖音穆亦音留戰國策有穆留史記南越王趙嬰齊在長安時娶邯鄲穆氏女及卽位上請立穆女爲后后弟穆樂以校尉擊南越死事天子封其子廣德爲龍亢侯

案漢

功臣表作龍侯案漢書二廣德無亢字○案史記作龍亢漢地理志龍亢在沛郡又兩粵傳作龍侯疑誤合龍亢二字爲一亢示形近因復譌爲龍耳師古謂龍古龍字恐非六百七十戶元鼎○案史記作元封五

年二月

案漢書二月作三月

王午封六年坐酎金免魏有河內太守

穆尚元和姓纂曰秦有穆毒謬誤矣穆從木穆從女音勞

案漢書及通志穆从手不从木○案史記作穆

秋

古有魯人秋胡娶妻三月而游宦三年秋還家其婦采桑

於郊胡至郊而不識其妻也見而悅之遺黃金一鎰妻曰

妾有夫游宦不返幽閉

○案西京雜記作閨

獨處三年于茲未有被

辱如今日也採不顧胡慙而退至家問家人妻何在曰行

采桑于郊未返旣還乃向所挑之婦也夫妻並慙妻赴沂

水而死漢時杜陵人秋胡能通尙書善爲古隸字爲翟公所禮欲以兄女妻之或曰秋胡已妻而失禮妻遂溺死不可妻翟公舉古事明之曰今日之秋胡非昔日之秋胡昔魯有兩曾參趙有兩毛遂南曾參殺人見捕人以告北曾參母野人毛遂墜井而死人以告平原君君曰嗟乎天

原本脫天字据西京雜記補

喪子矣旣而知野人毛遂非平原君客也

案

豈得以昔之秋胡失禮而絕昏於今之秋胡哉秋胡之後宋有中書舍人秋當今望出天水

猷

風俗通云衛有猷康今望出隴西

游

出自姬姓鄭七穆氏其先鄭穆公子姬字子游子游生公
孫蠆字子蟯蠆二子以王父字爲氏昉字子明生良良以
父有罪廢鄭人立昉弟吉字太叔爲正卿所謂子太叔者
也吉生速又吉兄子游楚字子南生卬其族仕周者曰游
孫伯秦漢而下著望河北廣平郡與宋焦談爲廣平四姓
至後魏游雅字伯度祕書監梁郡宣侯爲廣平人其族祖
曰鰕仕慕容熙爲樂浪太守生幼仕慕容跋爲廣平太守
幼生明根字志遠仕魏孝文爲儀曹尙書散騎常侍鴻臚
卿新泰侯年七十五爲國五更諡靖厯官內外五十餘年
時論貴之與高間以儒學齊名時號高游子肇字伯始襲
爵官至廷尉卿博綜經史外寬柔而內剛直甚有聲稱子

祥字宗良高邑文侯其後有徙居揚州廣陵隋時與戴商盛又爲廣陵四姓

遊

游氏亦作遊魏河南尹遊述始居廣平今游氏望出廣平
遊氏望出馬翊

牛

出自子姓魏大將軍牛金之後六世孫幼聞生僧孺

案唐世系

表僧孺安定牛氏出自漢主簿崇之後遼允生弘弘生方智五世孫曾孫幼聞生僧孺其間並無牛金名氏至晉有小吏牛金此作魏大將軍未詳所本唐時詆僧孺者多云牛金之後名世或據此增入當依唐史爲正

字思

黯歷相唐敬宗位司空平章事奇章公生蔚蔡蔚生徽皆有傳前秦西州毫族牛雙推姚萇爲盟主萇稱大將軍秦

王以雙爲參將

案牛雙通志作牛雙晉書作牛雙與此同

後秦隴西牛壽率漢

中流人歸晉鵜觚牛氏通生會會生意意生仙客仙客相

明皇

脩

英賢傳曰出自少昊氏子脩爲帝嚳玄冥師掌水官其後氏焉晉梁碩迎脩湛領新昌太守事王敦遣王諒誅之

周

出自姬姓黃帝裔孫后稷封於邰其地扶風釐鄉是也后稷子不窋失其官竄於西戎曾孫慶節立國於豳其地新平漆縣東北豳亭是也七世孫古公亶父爲狄所滅徙居岐下之周原故國號曰周其地扶風美陽南是也武王克

商十一世平王遷都王城河南縣是也平王少子烈食采
汝墳烈生懋懋生文文生昇昇生興興生寔寔生安安生
宏宏生明明生隱隱生壽壽生容容生休休生雄雄生暉
暉生寬寬生員員生成成生邕秦滅周并其地爲汝南郡
遂姓周氏家於汝南一云秦黜周赧王爲庶人百姓稱爲
周家因氏焉邕生秀秀生仁字季房漢興續周之嗣復封
爲汝墳侯賜號正公以汝墳下濕徙于安城十子長曰球
執金吾生平陵令應應生郎中孝廉道道生五官中郎約
約生決曹掾燕燕裔孫表梁義衡二州刺史襲蓬陵侯生
才卿隋德延二州刺史永城恭侯案唐世系表恭侯作敬侯子懷義太
子右宗衛率懷義生基字崇業常州刺史案唐世系表作常州長史基

生允元相武后元和姓纂曰汝南安城縣周安平王次子
秀別封汝川因家焉漢汝南侯周仁徙汝南六代孫燕魏
周斐孫浚晉揚州刺史生顗嵩顗左僕射安城侯六代孫
顗生捨捨生弘正弘讓弘直弘正陳左僕射生墳生若水
弘直陳太常卿有傳生確陳都官尙書孫翼唐江王友孫
訥言岷州刺史沛國赧王之後漢汾陰侯周昌從父兄苛
御史大夫子武高景侯又蒯成侯周緤與昌並沛人陳留
汝南同祖晉周震尋陽晉梁州刺史周訪生建城公撫生
楚益州刺史生虓五代孫羅暎右武大將軍生仲隱唐平
州刺史臨川狀云本汝南人徙臨川宋臨海太守周毅玄
孫寶玉唐中州刺史生子褒永州刺史陳西豐侯周敷孫

弘毅唐集州刺史江陵公生處靜冲廬江狀稱仁之後陳

周士衡桂陽王諮議孫績唐司刑丞生利涉比部郎中利

貞御史大夫太山周燕子忠爲太山太守因家焉淮南周

仁之後已上周氏八郡並舊望永安狀稱仁之後代居黃

州梁保城侯周虛超○案唐世系表作靈超生法僧法尙法明法僧

生孝節唐嘉州刺史生鳳鴻鳳立孫應生克構克構房州

刺史克○案克字疑衍或下有構字生儉鴻生潘○案唐世系表作潘給事中法

尙隋永州刺史生紹範嗣孫沛右拾遺紹範左屯○案屯下疑脫

字衛大將軍譙公生道務駙馬左衛將軍生伯瑜勵言瑜楚

州刺史生釋○案唐世系表作釋從宣州刺史生萬○案原本萬厲据唐世系表

改勵言少府監生先義左金吾將軍法明黃州總管河間

文安縣狀云仁之後後周左僕射文安公惠達孫舍恩晉
州刺史臨汝周仁之後唐屯田員外基生允元鳳閣侍郎
平章事

○案基允元已見上

華陰狀稱十代祖謨自丹陽隨朱齡石

入關遂居華陰隋樂州刺史樂陵公周儒生護仁皇右武
衛大將軍洛州長史嘉川公生志珪立珪志珪亳州刺史
立珪少府監生履順冀州刺史河東汾陰狀稱周仁之後
貞觀有周昶生立式立達立式生子敬行冲子敬主客員
外行冲登州刺史生彭年喬年彭年蜀州刺史喬年大理
司直孫戴大理評事立達國子博士清河唐鳳閣舍人周
茂禎輝州參軍江陵金部郎中周行暮隴西人生姒娣安
西都護生泌隴右節度生皓太僕卿膳部郎中周謂淮給

人弟澈鄧州刺史監察御史周子諒京兆人生頌大理司
直生君巢循州刺史虞部郎中周文雄比陽人禮部郎中
周琮河間人長安本姬氏赧王之後先天中避玄宗嫌名
改姓周氏後周太子太僕願弟威生權生思忠思恭思忠
職方員外生處遜水部員外萬年令思恭丹州刺史願姪
道斌長安令比部郎中河南後魏官氏志獻帝次兄普氏
改爲周氏西魏幽州總管濟北周搖賜姓車非氏隋復本
姓搖孫處智唐右千牛將軍生思亮思敬昭州唐樂州刺
史周孝練代爲樂州首領生萬才永州刺史萬才生柳州
刺史君模已上九郡爲新望

州

出自姜姓諸侯封于州其地城陽淳于縣是也春秋魯桓公六年其君州公如曹不復州國遂亡子孫以國爲氏晉大夫州綽州賓元和姓纂曰衛有公子州吁誤矣州吁人名非以州爲氏

舟

出自禿姓舟人國之後以國爲舟氏春秋時有虢大夫舟之僞

𨔵

○案此條原本次脩氏後依廣韻移正

謹案呂氏春秋陳有惡人焉曰敦洽𨔵麋其人椎顙廣額色如漆陳侯悅之敦洽地名也然則未必晉卻氏之後

正

唐正和始自河南洛陽徙眉和特進稷州刺史譚襄公子
五十人

鄒

宋正考父後食采鄒邑支孫遂以爲氏其地本邾子之國
後爲魯所并以封其大夫魯國鄒縣是也漢有鄒陽齊人
善辭賦事梁孝王有名晉南陽鄒湛有傳西京雜記菑川
國人鄒長倩贖遺公孫弘爲賢良

耶

孔子父紇字叔梁食邑于耶爲魯大夫謂之耶叔紇以力
聞於諸侯禮記孔子問耶曼父之母然後得徵在之殯

馬騶
鄒音

國語齊大夫有騶馬繻謹按史記閩越王無諸及越東海王搖其先皆越王勾踐之後姓騶氏又東越王餘善反號其將鄒力等爲荅漢將軍然則兩越君臣皆騶姓未必非馬繻族裔徐廣注以爲騶一作駱誤矣

稠

漢武功臣表有常樂侯稠雕以匈奴大當戶降封五百七十戶傳其子廣漢姓書未有此氏今增入

裘

元和姓纂曰裘氏因以邑爲姓或云仇氏避漢改焉謹案古者卿大夫多因所食邑爲氏而衛以裘氏之邑賜柳莊則前說有據晉有秦州刺史裘苞

仇

後漢侍御史仇尼後秦汧川氏仇高執竇衡以畀姚興又
貳原氏帥仇常

求

姓苑云本仇氏避難改焉漢有求仲元和姓纂曰本裘氏
改焉二說未知孰是今皆存之漢何武弟顯家有市籍租
常不入市嗇夫求商捕辱顯欲以吏事中商武不聽白太
守召爲卒吏

○案原本吏譌史
據漢書何武傳改

州里皆服

牟

出自祝融之後有牟子國後以爲氏其地太山牟縣是也
漢太尉牟融字子優北海安丘人長子麟爲郎後漢河內

古今姓氏書辨證卷十八終
太守牟長字君高並居樂安臨濟晉中郎將劉寅有部將
牟穆石虎有幸臣牟咸望出滎陽

古今姓氏書辯證卷十九

十八尤

下

取慮

○案此條原本次十九侯句龍氏後考廣韻尤侯二韻俱無取字今仍鄧氏意從師古音秋收入十八尤

音秋廬元和姓纂曰徐偃王子食邑取慮因氏焉唐時臨淮郡多此氏

由吾

唐藝文志有由吾公裕葬經三卷

由余

由余之後以字爲氏

游梓

英賢傳曰游梓子著書一篇言法家事按此豈非藝文志

游棣子誤棣爲梓乎

游水

姓書未收今增入謹按前漢郊祀志武帝時文成既死明年天子病鼎湖甚巫醫無所不致游水發根言上郡有巫病而鬼下之服虔曰游水縣名發根人姓名師古曰服說非也游水姓也發根名也蓋因水爲姓也本嘗遇病而鬼下之

游棣

漢藝文志法家有游棣子一篇師古曰棣音徒計反按師古不言姓游棣恐姓游名棣也如韓非鄧析子然

修魚

史記秦王紀贊曰秦之先嬴姓先後分封以國爲姓故有修魚氏

周生

姓苑後漢周生豐字偉防太山南武陽人建武七年爲豫章太守清約儉惠馮衍傳所謂司空長史令狐約讚衍於豐者是也魏初有博士周生烈燉煌人爲論語義說卽豐之後劉炳燉煌實錄云魏侍中周生烈本姓唐外養周氏今亦存其說

周陽

出自趙氏漢淮南王舅趙兼封周陽侯子由爲河東尉因父封氏焉由見酷吏傳郭頌世語云魏文帝時有周陽咸

周陽占異

案世語有周陽成能占災異此脫悞

讎子

案此條原本次修魚氏後依廣韻移正

世本陳威公昭子來將孫卑爲讎子氏

正敦

官氏志後改爲正氏初後魏獻帝七分國人以弟豆真爲正敦氏封臨淮王

正林

官氏志後改爲林氏

鄒屠

謹按王子年拾遺記曰帝嚳妃鄒屠氏之女也軒轅去蚩尤之凶遷其民善者於鄒屠之地惡者於有北之鄉其先

以地命族後分爲鄒氏屠氏

仇由

或作仇繇韓子曰仇由小國爲智伯所滅後人以國爲氏
牟孫

出姓苑

十九侯

侯

出自姒姓夏后氏之裔封侯子孫因以爲氏一云本姬姓
晉侯緡爲曲沃武公所滅子孫逃難他國以侯爲氏春秋
時鄭有侯宣多生晉及侯羽侯孺魯邱馬正侯犯戎御大
夫侯叔夏齊有大夫侯朝曹伯之豎有侯孺戰國時魏有

處士侯羸漢末侯氏徙上谷裔孫恕爲北地太守因家焉
爲北地三水人四世孫植從魏孝武而遷賜姓侯伏氏又
賜姓賀吐氏○案周書本傳作賜姓侯伏侯氏又賜姓賀屯其後復舊姓植字仁
幹周驃騎大將軍肥成節公其孫君集相唐太宗丹徒侯
氏漢司徒霸之後自上谷徙焉又後漢金城太守侯霸擊
羌有功領護羌校尉河南侯氏後魏官氏志侯奴氏渴侯
氏古引氏皆改焉○案今本官氏志有侯奴氏改爲侯氏渴侯氏皆與此不合又侯景以安北將軍夏侯夔之子譚爲長史譚遂
去夏稱侯氏託爲景族子

歐

元和姓纂曰東歐王之後亦作甌今姓纂脫此文

謳

左傳越大夫謳陽之後

區

歐音

謹按漢王莽傳有中郎區博諫莽未可分授諸侯茅土致諸侯困乏有傭作者莽從之師古曰區姓也一侯反吳有蒼梧太守區景宋有宜州刺史區贇潭州長沙區程爲宜春簿生法一

案急就篇區氏古善劍歐治子之後單姓區氏廣韻云今郴州有之

樓

出自妣姓周武王封夏禹裔孫東樓公於杞生西樓公題

案史記世家東樓公生西樓公西樓公生題公題公生謀娶公此脫

公孫仕他國者以樓爲

氏漢五侯客樓護齊郡人吳樓元譙郡人晉東海王越有

將軍樓哀河南樓氏賀樓氏改焉

婁

出自姁姓夏少康裔孫封於杞曰東樓公後爲楚所滅食
邑於婁因以爲氏其地城陽諸縣婁鄉是也或云邾婁國
之後爲姓

緱

音鉤

姓解曰王子晉別傳有緱氏山陳留有緱氏山緱姓也

句

音鉤

出自少昊氏叔子曰重爲勾芒木正世不失職以官爲勾
氏一云邾文公遷于勾繹後氏焉孔子弟子有衛人勾井

疆

鉤

姓苑鉤弋之後或爲鉤氏

案蜀有句氏避朱高宗諱爲鉤氏

鰕

下平鰕氏或有作上聲者徂鉤切韻譜音士九切誤矣風俗通有人姓鰕名生說文云小人之後以爲卑小人之稱謹按張良傳沛公曰鰕生說我云云謂酈食其也服虔曰鰕生小人瓚曰楚漢春秋鰕姓師古是服說今從之

哀

河南哀氏後魏官氏志代北達勒氏改焉

○案四豪褒氏條注引哀作褒

與今官氏志合此作哀異

侯岡

地記曰蒼頡姓侯岡氏其後居馮翊衙縣今望出馮翊

歐陽

出自姒姓夏帝少康庶子封於會稽至越王無疆爲楚所滅更封無疆子蹄于烏程歐餘山之陽爲歐陽亭侯遂以爲氏後有仕漢爲涿郡太守者子孫或居冀州之渤海或居青州之千乘千乘之顯者曰生字伯和仕漢爲博士以經名所謂歐陽尙書者是也渤海之顯者曰建字堅石仕晉爲頓丘太守所謂渤海赫赫歐陽堅石者是也建遇趙王倫之亂見殺其兄子質以其族南奔質字純之居長沙臨湘七世孫○案唐世系表作七世族孫此似脫族字景達字敬遠齊本州治中生荔浦令僧寶字士章僧寶生梁陽山穆公頴字靖世

顧二子純約純字奉聖廣州刺史生詢亮德器詢字少信
唐率更令渤海縣男四子長卿肅倫通通字通師相武后
生幼明字仲廉生昶字子原渤海子昶生璟琮璟字崇文
侯官令琮吉州刺史遂家吉州八世孫萬安福令其後或
居廬陵或居吉水而廬陵之儒林鄉歐桂里爲著姓萬孫
雅字正言生劾及楚○案唐世系表以楚爲雅弟楚字德用韶陽簿劾
生謨及託託檢校工部尙書生彬南唐吉州軍士推官

歐侯

前漢外戚傳許廣漢女平君年十四五當爲內者令歐侯
氏子婦臨當入歐侯氏子死其母將行卜相言當大貴乃
以歸皇曾孫是爲宣帝許后師古曰歐侯姓也歐音烏溝

反

樓季

潛夫論晉穆侯庶子樓季之後謹按晉趙衰少子嬰齊謂之樓季而穆侯之後無聞豈節信討論未審乎

鋤勿

南涼禿髮利鹿孤僭稱西河王其將鋤勿嶮進曰今建大號誠順天心寧居樂土非貽厥之規宜課農桑以洪國用習戰法以誅未賓利鹿孤然其言遂伐呂隆大敗之

投壺

出自荀中行氏晉中行穆子相其君景公

按左傳作昭公

會諸侯

與齊侯晏投壺穆子舉矢曰寡君中此爲諸侯師中之時

人稱焉後以爲氏

鉤弋

英賢傳云漢昭帝母鉤弋夫人

句龍

出自共工氏子曰勾龍爲后土三代以降祀爲社子孫氏焉

侯莫陳

後周有侯莫陳崇爲西魏八柱國宋鄭州防禦使侯莫陳利用有罪誅又侯莫陳廷山碌碌無可稱後改姓陳氏

投和羅

唐南詔投和羅王姓投和羅名脯邪迄遙

二十一侵

侵

三輔決錄有扶風太守侵恭因官居焉

尋

出自姁姓夏后同姓諸侯曰斟尋氏後爲寒浞所滅子孫因爲尋氏晉有尋曾字子貢隋末有將軍尋相

鐔

音尋

近蜀中有此氏音變爲蟾

郭

謹按春秋郭周邑也河南鞏縣西南有地名郭中者是春秋時周大夫食采者以邑爲氏故有郭肸及其子郭羅

颯

音尋

姓苑曰汝南人

瀟

音尋

出姓苑

臨

出自高陽氏才子八人其一曰大臨子孫以王父字爲氏
或曰林氏訛爲臨氏春秋公羊傳有臨南後漢孔融傳有
臨孝孫石趙有秦州刺史臨深隋有儀同臨孝恭京兆人
謹按春秋臨晉邑魯哀公四年趙稷奔臨弦施墮臨未必
非以邑爲氏高陽氏之說恐無明據

緄

新唐書吐蕃傳會昌三年贊普死天子以妃絀兄尙延力

子乞難

○案唐書難作離

胡爲贊普始二歲妃共治其國大將結

那都見乞難胡不肯拜曰贊普支屬尙多何至立絀氏子

哭而出用事者共殺之

斟

國語曰祝融之後侯伯八姓

案鄭語史伯曰黎爲高辛氏火正故命之曰祝融其後八

姓於周未有侯伯此脫未有二字

斟姓無後賈逵注云曹姓之後也

箴

元和姓纂曰楚大夫箴尹鬬克黃之後子孫以官爲氏今

從之姓源韻譜曰衛大夫箴莊之後誤矣謹按春秋衛大

夫鍼莊子其字从金从咸不从竹也是時陳衛皆有鍼氏

未嘗音針宜以姓纂爲正

葳

黃帝子得姓者十四人其一曰葳氏邵氏姓解曰葳與箴皆音針

湛

謹按陶侃母一作湛○案湛字疑當作湛氏未知何者爲是

湛

音枕

姓苑陶侃母湛氏晉初豫章黃堂觀女道士湛氏以仙術授許旌陽謂之湛母今建昌軍南豐多此姓

任

平聲

出自黃帝少子禹陽受封于任以國爲姓十二世孫奚仲

爲夏車正又十二世孫仲虺爲湯左相太戊時有臣扈武
丁時有祖己皆徙國于邳祖己七世孫成侯又遷于摯亦
謂之摯國杜預曰薛厯夏商周六十四世爲諸侯是也齊
人任不齊字選爲孔子弟子又二十八將有信都太守柯
陵侯光字伯卿子司空隗字仲和隗生步兵校尉西陽侯
侯屯屯生嗣侯勝勝生北鄉侯世又侍御史任遵奉鄧太
后詔赦變夷遼音卓又征西太尉樂亭侯尙與鄧騭討羌
又騎都尉仁救三輔又邵陽令顏兩追羌戰死廬江任氏
教十六代孫晉安西將軍顒始徙居焉西河任氏亦教之
後徙西河晉有東平太守任誕至唐右司郎中任正名又
居成都渭南任氏後亦自沛徙居廬州合肥任氏陳將忠

之弟七寶陳定達太守生瓌字瑋陝州都督營國公瓌弟
瓌太子典膳丞晉有益州從事明後秦天水任謙爲姚萇
從事中郎後蜀巴西宕渠任回爲李特腹心上邽令任藏
爲特爪牙又有別帥任道李壽以任調爲股肱南燕辟閭
渾部將任安

禽

出自齊管夷吾之孫仕魯別爲禽氏所謂禽鄭是也其後
有禽滑釐高士禽慶孝子禽賢韓詩外傳秦大夫禽息碎
首薦百里奚又後漢北海禽度字子夏游五岳名山不知
所終

金

出自漢匈奴休屠王太子曰磾字翁子

案漢書曰磾字翁叔此作翁子誤

事武帝著忠孝節帝以休屠作金人爲祭天主因賜氏金

氏封秭侯二子賞建俱侍中曰磾弟倫字少卿黃門郎生

安上字子侯侍中都亭恭侯

案漢書安上封都成侯諡曰敬

四子常岑敞

明敞三子涉參饒涉二子湯融皆侍中世名忠孝七世內

侍唐貞觀所定益州蜀郡三姓一曰金氏汾州河西郡四

姓一曰金氏又唐新羅國王姓金氏武陽高棐曰江浙金

氏避錢武穆王諱改焉後涼呂光將金石生後趙將金光

後秦將金洛生夏尙書金纂

陰

南涼散騎侍郎陰利鹿隨禿髮傉檀歿于西平又陰馴烏

孤以爲西州之德望擢爲股肱謹按春秋周大夫有陰里陰不佞陰忌皆在管脩之前風俗通云古陰康氏之後是矣然不知與管脩之陰氏爲同族否

○按此條當有脫文

參

世本曰陸終第二子參胡之後

蓐

纂文要曰古參字亦人姓

岑

後漢征南大將軍舞陽壯侯彭字君然生屯騎校尉細陽侯遵遵曾孫像南郡太守生暉字公孝黨錮難起逃于江夏山中徙居吳郡生亮伯亮伯生軻吳會稽郡陽太守六

子寵昏安頌廣晏後徙鹽官十世孫善方梁起居舍人生之象邯鄲令之象生文本文叔文本字景仁相唐太宗位中書令

斟灌

左傳寒浞使澆用師滅斟灌氏注同姓諸侯以國爲姓者

斟戈

姓苑云人姓或云斟灌氏一名斟戈

沈猶

上音沉泰山人也魯有沈猶氏不敢朝飲其羊曾子弟子

有沈猶行

古今姓氏書辯證卷十九終

古今姓氏書辨證卷二十

二十二覃

覃

今人音尋後漢漢中蠻覃兒健豐中蠻覃戎唐將王翊擒
西原賊帥覃間宋章惇安撫湖北平州蠻覃文猛漢賜州
蠻覃彥以地內附

譚

出自周畿內諸侯譚子之後春秋魯莊公時齊桓公滅之
子孫以國爲氏晉吏部郎謝朓知選時有姓譚者乞官朓
曰齊侯滅譚那得有卿對曰譚侯奔莒所以有僕人以爲
佳對漢末太原譚賢守節不仕王莽賢字伯升又唐人譚

正夫

南

出自子姓成湯八世孫盤庚妃姜氏夢赤龍入懷因孕十

二月而生子手把南字長荊州因號南赤龍生子條條孫

仲爲紂將平獫狁之難宮括

○案尚書君奭傳南宮氏括名正義及邢昺論語疏皆從

之顯命有南宮髦昭二十三年傳有南宮極注云周卿士當卽括後國語稱文王卽位咨于二虢度于闕天謀于南

宮以南宮連屬明係複姓此以爲姓南名宮括謬甚爲周文王臣封南陽侯宮括生

邵爲成王大司馬封白水侯邵生宮宣王時爲南陽侯又

宮生伯莊王時爲上大夫春秋時有周大夫南季聘魯宜

爲宮之子伯之父兄其後魯有南蒯南遺漢有南季傳西

京曹元禮字筭術唐肅宗時給事中南巨川望出河東開府

儀同三司南霽雲望出魏郡頓止霽雲生涪州刺史承嗣
案辨證于東姓云中國有東西南氏高麗有北氏必其先
皆以方爲氏而此條所引並不言方蓋以姓纂誤爲辯證
也今仍舊本

男

謹按周初有定州僞將男在貴江南人是男爲人姓而姓
書未收也今增入

堪

出自高辛氏才子八元其一曰仲堪子孫以王父字爲氏
南郭

出自齊大夫居國之南郭因氏焉春秋時齊大夫南郭偃
會晉而逃歸又景公子鉏奔魯亦謂之南郭鉏于莊子時

有南郭子綦生八子召九方歎相之

南宮

其先有食邑南宮者以邑爲氏唐冀州南宮縣卽其地也

春秋時宋大夫有南宮長萬生南宮牛又魯孟獻子生閱

一名縉字适謂之南宮敬叔

案孔子弟子氏南宮者曰括日适日縉日說日閱皆字子

容而名有五明夏宏基輯孔門弟子傳略以南宮适括縉字子容爲一人以仲孫閱說之南宮敬叔者爲一人朱彝

尊日攷春秋名號歸一圖有仲孫閱卽南宮敬叔而不及括縉則夏說似可從史記索隱家語世本說苑諸書說雖

不一然古今人表既有南容又有南宮敬叔師古注於南容則云南宮縉於敬叔則名南宮适是孔門弟子之列有

二南宮已皎然矣又考闕乃僞子之子則作獻子之子亦誤

必以所居爲稱非南宮氏

舊說文王臣南宮适亦非複姓

南史

出自齊大夫居國之南以居爲氏謂之南史氏春秋齊崔杼弑莊公南史氏聞太史盡死執簡以往將書崔杼罪者卽其家也

南鄉

晉國高士全隱於南鄉因以爲氏後漢羽林太監南鄉槐南榮

姓源韻譜曰古有善曝背於南榮者獻之於君因以爲氏

二十三談

談

六國時有談生蜀錄云石季龍有將軍談元唐太宗時嶺南酋長馮盎談殿迭相攻擊其後望出吳郡今望出梁國

廣平

鄭

音談

出自嬴姓少昊氏之後封國於鄭春秋時鄭子朝魯能言少昊氏以鳥名官魯女嫁鄭謂之鄭伯姬其後國亡子孫以國爲氏而世居沛

甘

姬姓周惠王少子太叔帶食采於甘謂之甘昭公生成公成公生簡公及悼公甘過成公孫平公鱮鱮生桓公又有甘歆敗戎于邠垂及甘大夫襄皆其族唐時望出洹水甘陽長樂富水

嫫

姓苑音甘

儋

耽音

出自姬姓周簡王少子曰儋季以字爲氏季生括又有儋
翩皆爲周大夫

眇

眇音

出自姬姓周文王少子載字季爲成王大司空封國於眇
謂之眇季後以國爲氏仕周爲大夫春秋時尹氏訟眇啓
于晉是也眇一作眇又鬪章囚鄭眇伯鄧有眇甥

澹

孔子弟子澹臺滅明字子羽魯國武城人裔孫恭伯爲漢
博士會稽人

甘先

出姓解

甘莊

出姓解

三州

元和姓纂曰三州孝子之後亦單姓州

三飯

元和姓纂曰繚適蔡干適楚缺適秦後皆氏焉

三伉

元和姓纂曰宋子姓微子之後

三種

出姓苑云人複姓

二十四鹽

鹽

魯國先賢傳有鹽津爲北海相因居之

閭

出自姬姓昭王少子生而有文在其手曰閭康王封於閭

城晉滅閭子孫散處河洛

○案唐世系表閭氏有三說一云太伯曾孫一云昭王少子一

云唐叔虞之後晉成公子懿食采于閭邑晉滅子孫散處河洛此合第二說第三說爲一誤或閭城下有脫文前

漢末居樂陽尙書閭

○案唐世系表此下當脫章生二字

暢侍中北宜春侯

三子顯景晏顯車騎將軍長社侯顯生穆避難徙於巴西

之安漢顯孫甫魏武帝封爲平樂鄉侯復居河南新安生

牂牁太守璞璞生晉殿中將軍漢中太守讚讚生遼西太守亨亨生北平太守安成亭侯鼎字玉鉉死劉聰之難子昌奔于代王猗廬遂居馬邑孫滿後魏諸曹大夫自馬邑徙河南滿孫善龍驤將軍雲中鎮將因居雲州盛樂生車騎大將軍燉煌鎮都大將提提生盛樂郡守進進少子慶字仁度

○案唐世系表慶後周小司空上柱國石保成後公再傳至立本相高宗此字仁度下疑有脫文

秦天水閭遵爲姚萇大將軍掾又有越騎校尉閭生征南主簿閭恢後蜀李特以晉始昌令巴西閭式爲謀主後涼有祁連都尉閭襲又呂隆遣母弟愛子文武舊臣閭松等五十餘家質于長安唐貞觀所定太原郡十姓有閭氏

廉

孔子弟子廉潔字子庸衛人趙相信平君廉頗後居趙郡
漢興以豪宗自苦陘徙京兆杜陵或居隴西襄武世爲邊
郡守後秦有待御史廉桃生

詹

謹按元和姓纂曰詹尹之後誤矣

案詹氏周有詹父詹桓伯云出自周宣王支子

封爲詹侯晉有詹嘉號有詹父鄭有詹伯俱在詹尹之先
姓纂之說固未該括名世辯其誤而不詳所自出附識於
此

占

出自媯姓陳公子完裔孫書字子占後人以字爲氏

苦

出自魯家臣苦夷字越生子曰陽州

淹

近世豫章人有此姓不知其所自出

潛

宋有潛友成登進士第

黔

齊隱士黔敖之後後漢劉永傳有方與人黔陵斬逢萌封

關內侯

鍼

鍼音鈴

出自媯姓陳僖公之孫鍼子以所食邑爲氏其孫莊子爲

衛大夫八世孫宜曰奔楚爲箴尹

瞻葛

英賢傳曰有熊氏之後世本宋景公有大夫瞻葛祁其後
齊人語訛以瞻葛爲諸葛

箝耳

○案原本瞻葛氏後以鍼巫黔婁
箝耳三氏相次今依廣韻移正

箝亦作鉗西羌複姓也狀云周王季後爲虔仁氏音訛爲
箝耳魏太師宇文泰遣安州長史箝耳康買使于王琳唐
明皇遣哥舒翰守潼關以箝耳大福爲屬將又隋恆山郡
九門縣令箝耳君清德之頌云君名文徹華陰朝邑人本
周王子晉之後避地西戎世爲君長因以地爲姓曾祖靜
仕魏爲馮翊太守祖郎成集二州刺史父康周荆安寧鄧
四州總管別駕安陸龍門二郡守大業六年建碑

黔婁

劉向列女傳有黔婁先生古賢者謹按揚子法言曰顏淵黔婁似其人黔姓婁名未知姓纂何據以爲複姓

鍼巫

魯大夫鍼巫氏莊公三十二年使叔牙待命于其家使鍼季酖之是也姓書云鍼巫或去邑爲鍼氏蓋指鍼季言之
二十五添

謙

乞伏熾盤以鎮南將軍謙屯爲都督河右諸軍事又以涼州刺史謙屯爲鎮軍大將軍河州牧

兼

姓源韻譜曰衛公子兼之後氏焉

二十六咸

咸

出自商賢相巫咸之後以字爲氏唐開元殿中侍御史咸
廣業世居東海臨朐

函

音舍

姓苑漢有豫章太守函熙謹按周官攻皮之工有函人爲
甲者或以世官爲氏

咸止

出自魯大夫食邑咸止因以爲氏其地高平鉅野縣東咸
亭是也

函輿

元和姓纂曰晉范臯夷食采函輿因氏焉

函洽

姓苑有此氏今詳洽冶二字相似未必非函洽氏字畫訛也

二十八嚴

嚴

三國時魏有嚴顏後秦有吏部郎嚴康後蜀李特以嚴揜爲謀主後涼祁連都尉嚴純

二十九凡

凡閭

姓苑云唐叔之後今東莞多此姓

終

古今姓氏書辨證卷二十一

上聲

一董

董

出自已姓黃帝之後封國於騶其君叔安者有嫡子曰董

父學擾龍以事帝舜賜姓曰董爲參龍氏其後有騶夷氏

至周太史辛有之二子適晉與孫伯黶共司晉典籍以其

董督晉史又爲董氏春秋傳云晉有董史是也晉文公時

有大夫董因後有良史董狐大夫董叔趙氏臣董安于其

後有董子名無心著書難墨子又項羽封

○案封下疑當有其字

將

董翳爲翟王都高奴翳孫遂居隴西漢高祖功臣表有成

欽侯董漂傳國四世武帝功臣有散侯董金吾以匈奴都尉降子安漢孫賢皆嗣侯是時匈奴無董姓必中國人陷虜而歸者後漢陳留人屯田都尉董祀娶蔡炎女公孫述時牂牁大姓董氏保境爲漢被褒賞西羌殺漢中太守董炳後蜀李班以隴西董融爲賓友又有太師董皎後涼呂光以隴西董光爲軍佐以討西域後燕有博士董謐南燕有尙書令董銳唐元和有荆南從事董挺字庶中有武陵集范陽董秦檢校司空平章事唐中書門下平章事董晉河東人又松外蠻數十姓趙楊李董爲貴族

孔

謹按春秋時衛有孔氏出自姑姓仕衛爲大夫孔嬰齊後

有莊叔孔達成子孔烝鉏生頃叔孔羈羈生孔文子孔圉
圉子孔悝字叔陳孔氏出自嬀姓公孫寧謂之孔寧寧之
後有孔奐鄭孔氏有孔叔孔將鉏不知其所出又穆公子
嘉之後有孔氏今依元和姓纂分爲子孔氏不列于此
孔父

元和姓纂曰微子之後宋大司馬孔父嘉亦爲孔氏
二腫

姓苑曰宣城人

奉

出姓苑謹按後漢獨行戴就傳光祿奉吟上就爲主事

勇

出姓苑

拱

今撫州臨川民有此姓不詳所自出

三講

項

出自古諸侯項國其地汝陰項縣今項城是也魯僖公十七年滅項取其地楚考烈王滅魯封其將於項因以爲氏西京雜記有項珪及其子陸傳曹元理算術於南季三輔决祿安陵項仲山每飲馬渭水常投三錢唐江東人項斯字子遷能詩楊祭酒詩云平生不解藏人善到處逢人說

項斯會昌中爲丹徒尉

四紙

紙

河南紙氏後魏官氏志渴侯氏改爲紙氏

○案紙十九侯
侯字條注作侯

廣韻四紙引與此同
今本官氏志作緹

抵

僧道世撰法苑珠林晉有抵世常中山人謹案姓書未有
此氏今增入

氏

宋有起居郎氏居方河中府虞鄉令氏昭度

委

周禮有委人掌斂甸稍芻薪之賦以共委積後以世官爲

氏漢有太原太守委進

蛾

音蛾

晉大夫蛾析見左傳姓源韻譜以爲音俄誤矣

薦

音委

出自芊姓楚公族大夫食邑於薦因以爲氏左傳僖二十

七年子玉治兵於薦卽其地也春秋時薦呂臣字叔伯生

賈字伯嬴賈生薦艾獵一名敖字孫叔孫叔從孫子憑生

掩爲大司馬自呂臣至子憑四人皆爲令尹故薦氏世爲

楚大夫

案左傳桓公六年楚武王侵隨使蘧章求成焉而唐書世系表云蚡昌生薦章然則蘧薦字同而蘧

章爲薦氏之始辨證謂薦呂臣生薦賈以僖公二十七年傳有薦賈尙幼之文遂意爲呂臣之子世本及杜預注皆

未詳其系也。薦艾獵卽孫叔敖爲薦賈之子服虔杜預之說同。薦子馮世本爲薦艾獵之子杜預爲薦艾獵之從子。說不同。辨證所引世次并然以爲祖。禰或出臆說。

東周時周大夫子國食邑於薦謂之薦國。然不以爲氏。元和姓纂曰士薦之後誤矣。薦爲晉大夫姓士氏。

闕

音委

集韻廣韻皆曰人姓今存之然已誤矣。姓源韻譜曰國語有闕大夫誤矣。國語無此人。謹按魯語曰公父文伯之母季康子之從祖母也。康子往焉闕門與之語。注闕闕也。門寢也。此謂婦人能遠嫌爾。安得爲人氏乎。

遠

音委

出自芊姓。楚蚡冒生王子章字發鉤以艸爲氏。謂之遠章。

其後有靈王令尹蕩罷字子蕩太宰蕩啟彊寢尹蕩射工
尹蕩固亦曰箴尹周大夫蕩洩蕩居蕩越皆名顯諸侯或
云蕩爲一也字通於蕩故子憑及其子掩亦或以爲氏當
時史冊互見故別爲兩族

寫

音委

于委切魯大夫姓左傳魯隱公祭鍾巫館于寫氏是也

鰐

丑豕切音禿姓書未有謹按列子古善聽者鰐俞今增入

芊

綿婢切出自顓帝生稱稱生卷章卷章生重黎重黎誅弟
吳回代爲祝融是爲火正吳回生陸終陸終生子六人皆

剖拆而產其六曰季連爲芊姓楚其後也季連生附沮附沮生穴熊其後中微或在中國或在夷狄弗能紀其世周文王時穴熊裔孫鬻熊佐文王有功成王舉文武勤勞之後得鬻熊孫熊繹

○案楚世家鬻熊子熊麗熊麗生熊狂熊狂生熊繹此孫熊繹疑當作曾孫

封於荊蠻食以子男之田賜姓芊氏以奉祝融鬻熊之祀國於丹陽其地南郡枝江是也荆小而僻在深山篳路藍縷以啟山林熊繹生熊艾熊艾生熊黜熊黜生熊勝熊勝以弟熊楊爲後熊楊生熊渠熊渠三子長子熊毋康早死中子熊摯紅代立其弟執疵殺而代之號曰熊延熊延生熊勇熊勇以弟熊嚴爲後熊嚴四子伯霜仲雪叔堪季徇長子伯霜代立是爲熊霜其後仲雪死叔堪避亂於濮少

弟季徇代立是爲熊徇生熊罥熊罥生熊儀是爲若敖楚人以敖爲尊稱故君卒而不成禮以終之者皆爲之敖若敖生熊坎是爲霄敖霄敖生熊駒是爲蚡冒蚡冒弟熊通弑而代立僭號楚武王武王生文王熊疵始都郢文王生熊羆是爲堵敖其弟熊頹弑之而代立是爲成王生太子商臣及王子職商臣弑成王自立爲穆王穆王生莊王熊旅莊王生共王熊審共王無嫡子有庶子五人招圍比黑肱棄疾招立爲康王生邾敖員邾敖生幕及平夏公子圍弑其父子而自立是爲靈王熊虔熊虔生太子祿公子罷敵靈王死於乾谿公子比殺其二子而自立比字子干是爲訾敖以其弟黑肱爲令尹所謂令尹子皙者也公子棄

疾殺子干子皙而自立更名熊居是爲平王平王生建啟
壬太子建字子木費無極譖之奔鄭生白公勝公子啟字
子閭五讓不爲王平王薨立少子壬是爲昭王熊軫昭王
賢而知大道失國而復得之生章及子良章代立爲惠王
生簡王中中生聲王當當生悼王熊疑熊疑生肅王臧及
宣王熊良夫良夫生威王熊商商生懷王槐懷王爲秦所
詐留死於秦國人立其太子橫爲頃襄王頃襄王生幽王
及哀王猶猶庶兄負芻王五年秦虜之而滅楚以其地爲
郡縣而楚之子孫仍芊姓漢藝文志七十子之後有芊子
名嬰著書十八篇唐開元中有隋右衛將軍芊雄曾孫端
爲金吾司戈謹按春秋楚王子公子雜見於左傳者令尹

子元息公子朱公子穀臣公子燮公子茂令尹子嬰齊字
子重司馬公子側字子反太宰公子辰字子商令尹公子
壬夫字子辛司馬公子午字子庚令尹公子追舒字子南
生棄疾司馬公子魚字子魴司馬公子何忌申公王子牟
左尹公子勝公子丙公子馮公子申公子成公子平公子
罷公子寅公子橐師公子罷戎公子茂公子宜穀公子格
公子齟公子繁公子慶公子寬司馬公孫何忌凡三十二
人皆不知誰之子又令尹公子申字子西生令尹寧字子
國及武城尹公孫朝昭王兄公子結字子期謂之司馬子
期生寬及平而白公之弟曰王孫燕凡三家七人又史記
秦王後宮曰芊八姓號宣太后其弟曰穰侯魏冉涇陽君

葉陽君皆楚後芊氏

是連

北齊文宣帝有黃門郎是連子暢伐北是連氏隨魏南徙
孝文太和中改爲連氏望出河南

是婁

代北是婁氏後改爲河南高氏

是賁

代北是賁氏後改爲河南封氏

是人

姓解曰北齊方技傳由吾道榮學於是人氏

案北齊方技傳由吾道榮

少好學法聞晉陽人某明算術乃尋是人爲其家傭力以學道則是人乃此人非姓也此誤

是云

西魏有開封是云實

是奴

代北是奴氏後改爲是氏

倚相

楚左史倚相之後威王時有倚相季文爲士官

五旨

視

○案此條原本次癸氏後依廣韻移正

出姓苑

比

姓解曰商有少師比干誤矣謹按商姓子氏比干者王子

之名按此則世無比氏合駁去

矢

出姓苑

履

出姓苑

壘

○案此條原本次視氏後依廣韻移正

後趙有壘澄本姓裴氏後改焉謹按左傳裴音非蓋後世聲轉爲匪而又改之也

癸

出自姜姓齊癸公之後氏焉

水止

漢酷吏傳薛宣收大姓公孫丹親黨繫獄使門下書佐水
止岑盡殺之注水止姓岑名

癸北

元和姓纂曰國名也女爲舜妃者後爲氏

案山海經舜妃
癸北氏一日登

比氏蓋皆
字形之訛

六止

上

市

戰國策曰燕有將軍市被謹按周有司市後必以官爲氏

紀

出自姜姓炎帝之後封爲紀侯其地東莞劇縣是也紀侯
嘗潛齊哀公于周周烹之春秋魯莊公四年齊襄公復九

世之仇滅紀紀侯義不下齊大去其國君子善之子孫以國爲氏又北燕有尙書紀遼

祀

謹按故事咸平五年十一月賜京城父老祀道巖爵公士道巖百十九歲率父老百五十四人上尊號上嘆其壽考故獎之或云祝道巖也

似

後魏官氏志似先氏改爲似氏

○案今官氏志無此文

似

○案此條原本次已氏後依廣韻移正

出自黃帝子昌意其後曰顓帝生崇伯鯀鯀生伯禹爲堯司空舜宅百揆舜薦之於天者十有七年終踐天子之位

周王子晉論其功曰伯禹釐改制量象物以天地比類百則儀之于民而度之于羣生故天無伏陰地無散陽水無沉氣火無災燁神無間行民無淫心時無逆數物無害生皇天嘉之祚以天下賜姓曰姒氏曰有夏謂其能以嘉祉盛富生物也韋昭注曰姒猶祉也禹爲夏后氏生帝啟啟生太康仲康仲康生相相生少康少康生帝予

○案此下脫帝予生三字

帝槐帝槐生芒芒生泄泄生帝不降帝局局生厘厘崩立帝不降之子孔甲孔甲生皐皐生帝發發生履癸是爲桀桀無道成湯放之于南巢夏絕不祀至周武王克商下車而求禹後得東樓公封之於杞杞自東樓公已降世系皆具史記生成公及桓公姑容

○案史記杞世家東樓公七傳至德公德公卒弟桓公姑

容立集解索隱並引系本云惠公生成公及桓公小司馬云此系家脫成公一代故云弟桓公姑容立詳鄧氏此文似從世本但生成公上當有脫文

姑容生孝公丐文公益姑平公郁釐郁

釐生悼公成成生隱公乞僖公過過生湑公皆與諸侯會

盟桓公成公之弟以魯僖公二十四年卽位襄公六年卒

在位七十年

○案徐廣小司馬引世本俱作十七年

春秋時諸侯享年久長

未有如杞桓公者又夏后少康庶子封于會稽自號於越

越子允常及其子越王句踐句踐太子適郢及鄆沈二國

之君亦見於春秋皆姒姓又左傳載少昊子臺駘封諸汾

川沈姒蓐黃實守其祀者姒乃國名非姓也

已

出自黃帝子得姓者十四人而青陽夷鼓同爲已姓青陽

少昊氏也夏諸侯有蘇氏周諸侯有邲子皆其後有蘇氏
女女於紂謂之姐已

史

周太史佚之後以官爲氏鮑字子魚其族朝生文子狗皆

仕衛爲大夫漢魯國史恭生高立

○案唐世系表史恭三子高曾立

高大

司馬樂陵安侯二子術丹丹左將軍武陽頃侯孫均均子

崇自杜陵受封溧陽侯遂爲郡人崇裔孫宋樂鄉令史瓌

瓌七世孫務滋

○案唐世系表務滋瓌八世孫

相唐武后生清河令惟肖

是爲宣城史氏又丹裔孫後漢歸義侯苞晉永嘉亂避地

河西建康是爲建康史氏又有高容史氏京兆史氏皆丹

後而京兆有隋太平公萬歲陳留考城史氏漢京兆尹敞

之後河南史氏本代北阿史那氏改焉又後漢漢陽太守
史充領護羌校尉後涼呂隆以文武舊臣史難等五十餘
家質於長安南涼祠部郎中史暘爲文武之秀傑

使

師古曰使姓也字或作史事見下平聲二僊便氏

李

出自嬴姓顓帝高陽氏生大業大業生女華女華生皐陶
字庭堅爲堯大理生益益生思成歷虞夏商世爲大理以
官命族爲理氏至紂之時理徵字德靈爲翼隸中吳伯以
直道不容於紂得罪而死其妻陳國契和氏與子利正逃
難於伊侯之墟食木子得全遂改理爲李氏利正亦娶契

和氏女生昌祖爲陳大夫家于苦縣五世孫乾字元果爲
周上御大夫娶益壽氏女嬰數生耳字伯陽一字聃周平
王時爲太史著道德經八十一章唐明皇用方士說尊爲
聖祖混元上德皇帝伯陽後有李宗字尊祖魏封於段爲
千木大夫一云伯陽子宗仕魏封於段千生同趙相

○案唐宗

室世系表當作同生趙相兌此疑有脫文

兌生躋趙安陽君二子曰雲曰恪恪

生洪字道宏秦太子太傅生興族字育神一名汪秦將軍
生曇字季遠趙柏人侯入秦爲御史大夫葬柏人西生四
子崇辯昭璣崇爲隴西房璣爲趙郡房崇字伯祐隴西南
鄭公二子長曰平燕次曰瑤字內德南郡守狄道侯生信
字有成大將軍隴西侯信生超一名伉字仁高漢大將軍

漁陽太守二子長曰元曠侍中次曰仲翔河東太守征西將軍討叛羌于素昌戰沒贈太尉葬隴西狄道東川因家焉生伯考隴西河東二郡太守生尙成紀令因居成紀焉尙范陽房始祖也尙生廣前將軍猿臂善射才氣天下無雙匈奴畏之號飛將軍三子長當戶生陵字少卿降匈奴者次曰椒次曰敢字幼卿郎中令關內侯生禹忠忠頓丘房始祖也禹字子通生丞公河南太守生先字敬宗蜀郡北平太守生長宗字伯禮漁陽丞生君况字叔干一字子期太中大夫生本字上明侍御史生次公字仲君巴郡太守西夷校尉弟恬渤海房始祖也次公生軌字文逸魏臨淮太守司農卿弟潛申公房始祖也軌生隆字彥緒長安

令積弩將軍

○案原脫將軍二字
据唐宗室世系表補

生艾字世績晉驍衛將

軍魏郡太守生雍字雋熙濟北東莞二郡太守二子長曰

倫丹陽房始祖也次曰柔字德遠北地太守雍孫蓋安邑

房始祖也柔生弁字季子前凉天水太守武衛將軍安西

亭侯生昶字仲堅凉太子侍講生暲字元盛西凉武昭王

興聖皇帝十子譚歆讓愔恂翻豫宏眺亮愔鎮遠將軍房

始祖也其曾孫系平凉房始祖也翻孫三人曰承姑臧房

始祖也曰茂燉煌房始祖也曰冲僕射房始祖也曾孫曰

成禮絳郡房始祖也豫玄孫曰剛武陵房始祖也歆字士

業西凉後主八子勗紹重耳宏之崇明崇產崇庸崇祐重

耳字景順以國亡奔宋爲汝南太守後魏克豫州以地歸

之拜宏農太守復爲宋將薛安都所陷後魏安南將軍豫
州刺史生獻祖宣皇帝熙字孟良後魏金門鎮將生懿祖
光皇帝諱天錫字德真二子長曰起頭長安侯生達摩後
周羽林監太子洗馬長安伯其後無聞次曰太祖次曰乞
豆後魏定州刺史房太祖景皇帝虎字文彬後周柱國大
將軍唐國襄公八子長曰延伯生於山東其後太祖入關
延伯仕北齊爲散騎常侍武德四年追封南陽伯附屬籍
貞觀初罷之與姑臧絳郡武陽公三房號四公子房至開
元二十三年復附屬籍曰南陽公房屬籍曰蔡王房譙王
房畢王房雍王房郇王房大鄭王房蔡王房蔡王蔚周朔
州總管襄武縣公生西平懷王安安生平原王瓊霍山王

珽襄武郡王琛河間元王孝恭濟北郡王瑒漢陽王瓌濟
南王哲哲生廬江王瑗畢王房畢王璋生永安壯王孝基
雍王房雍王繪生長平王贇贇生淮陽王道元淮陽王道
明江夏王道宗郇王禕

案唐宗室世系此郇王禕上宜有郇王房三字

生武陵王

伯良長平肅王叔良中山王仲良新興王德良長樂王幼

良叔良曾孫揚州叅軍思誨

案唐宗室世系表思誨叔良孫此作曾孫誤

生姦

臣林甫相明皇大鄭王房鄭孝王亮生淮南靖王神通襄

邑恭王神符代祖元皇帝諱曷周安州總管柱國大將軍

唐國神公四子長高祖次代王澄次蜀王湛次漢王洪梁

王至曾孫而絕蜀王房後爲渤海王房湛生襄城王容兒

渤海恭王奉慈高祖神堯大聖大光孝皇帝二十二子分

十五房曰楚王智雲荆王元景皆無後徐王元興

案唐書元興作

元禮曰徐王房至五世孫絕韓王元嘉曰韓王房建中元年

改爲嗣鄆

唐宗室世系表改

房元嘉生訓誼諡謨訥小

鄭王元懿曰鄭王房元懿生璿炎球璿琳璿珩

案唐書高祖子有璿

鄭王稱惠鄭王房名元懿生璿等此作韓王元嘉生懿懿生璿世系不合今照唐書添入

璿璿弟有樂安郡公珪與宗室傳小異

嗣王璿曾孫夷簡相憲宗安德郡公

琳孫勉相德宗霍王元軌號王鳳舒王元名魯王靈夔皆

至五世孫絕道王元慶江王元祥曰道王房江王房皆至

十二世鄧王元裕密王元曉滕王元嬰皆至孫絕太宗文

武大聖大廣孝皇帝十四子長曰常山愍王承乾次楚王

寬出繼次吳王恪次濮王泰次庶人祐附濮王譜次蜀王

愔次蔣王惲次越王貞次高宗次紀王慎次江王鷟次代
王簡次趙王福次曹王明江代趙王皆附曹王譜常山愍
王房承乾子郇國公象生適之相明皇吳王房恪生成王
千里朗陵王瑋嗣吳王琨琨生信安王禕嗣吳王祗禕生
岍岍岍越國公岍戶部侍郎岍相肅宗所謂欲粟賤追
李岍者蔣王房惲十五子越王紀王曹王房皆多子孫高
宗天王大聖大宏孝皇帝八子燕王忠無子澤王上金九
子許王素節十三子爲三房孝恭皇帝宏無子章懷太子
賢爲太邠王房次中宗睿宗中宗皇帝四子節愍太子重
俊爲湖陽郡王房睿宗皇帝五子讓皇帝憲房曰寧王房
憲生汝南

○案唐宗室世系表及宗室傳俱作汝陽

王璿濟陽王嗣莊嗣寧王

小鄭王房有勉夷簡宗閔常山王房有適之吳王房有峴
惠宣太子房有知柔凡定著三十九房 隴西李氏出自

興聖皇帝第七子豫字士寧東晉西海太守孫炎之字景
珍後魏侍中文簡公生剛慧剛宜州刺史生充節充信充
頴充節隋朔州刺史武陽公生大通大辯大亮大亮唐右
衛大將軍武陽懿公充頴後周滑州刺史流江公生宣州
刺史義本義本生迥秀字茂實相武后迥秀生俊黃州刺
史姑臧大房出自興聖皇帝第八子翻字士舉東晉祁連
酒泉晉昌三郡太守三子達抗寶懷抗東萊太守生思穆
字叔仁後魏營州刺史樂平宣惠伯生獎字道休北齊魏
州尹廣平侯生瓌黃門郎生斌散騎侍郎襲樂平侯

唐世案

系表作樂平伯

寶七子承茂輔佐公業冲仁宗承號姑臧房承字

伯業後魏滎陽太守姑臧穆侯生韶彦虞蕤韶字元伯定

州刺史姑臧文恭侯生璵瑾璿瑾字道瑜後魏通直散騎

侍郎文恭侯生蒨之行之蒨之子蔓容北齊考功郎中

元儉武卿元儉生義璿義珙義璋義琛義瑛義琛工部侍

郎武卿生癭陶令元德元德生義炎義瓘義璿義炎相唐

高宗行之字義通隋唐州下浞郡太守固始縣男生夷道

元道元道秦王學士給事中常州刺史生正基雲將正基

太子舍人生給事中亶字景信亶生祕書監成裕成裕生

揆字端卿相肅宗德宗

○案唐世系表止云相肅宗宰相表及揆本傳亦無相德宗事此德

宗二字疑衍

所謂唐第一人李揆者生興公次公幼公佐公揆

弟毖之生祕書少監上公上公生太子庶子景素景素生

蔚相懿宗諫奉佛太過者蔚三子涯禮部侍郎洵福建觀

察使況字明

○案唐世系表明作殷

澤雲將尙書右丞生晏晏生顏

顏生歸期歸期生逢吉字虛舟相憲宗承子彥字次仲後

魏秦州刺史生變爽爽字明德

○案唐世系表作德明

生元相元相

五世孫乾昇秦府戶曹叅軍生水部郎中岑岑生虔州刺

史舟豪州刺史丹卽以書戒妹事在國史譜者岑弟峯開

州刺史丹陽房晉東筦太守雍長子曰倫五世孫文度西

涼安定太守與族父寶入後魏因居京兆山北文度生權

後魏河秦二州刺史杜縣公生崇義後周雍州大中正五

州刺史武康縣公崇義生詮隋趙郡太守臨汾襄公詮四

世孫藥王

案唐世系表詮生藥王此作四世孫不合

靖客師正明靖字藥師相

太宗尙書右僕射同中書門下平章政事司徒衛景武公

所謂兼資文武出將入相者生德謩德獎德謩將作少監

衛國公靖兄端字藥王梓州刺史永康公客師右武衛將

軍丹陽郡公年九十猶馳獵人謂之鳥賊孫令問散騎常

侍靖五世孫彥方鳳翔司錄叅軍靖叔父傳

案唐世系表傳作偉

節司隸州刺史生唐刑部尙書乾祐乾祐生昭德相武后

又漢騎都尉陵降匈奴裔孫歸魏見于丙殿賜姓曰丙後

周信州總管龍居縣公生明

案唐世系表作後周有信州總管龍居縣公明此疑誤

明生粲唐左監門衛大將軍應國公高祖與之有舊以避

世祖名賜姓李氏粲生寬閔寬奉常正卿隴西公生道廣

字太邱相武后四子元綜元繹元紘元緘元綜屯田郎中
荆府長史元繹都水使者元紘字大綱相明皇所謂南山
可移判不可搖者元緘鄆州刺史隴西李氏後徙京兆
者岷州刺史嵩生洮州刺史思恭思恭生欽左金吾衛大
將軍欽生晟字良器相德宗太尉司徒中書令西平王十
二子愿河中節度使聰光祿寺主簿總太子中允慈左神
武大將軍憑右威衛大將軍恕光祿卿憲嶺南節度使愬
陳許節度使左僕射同平章事平蔡功爲多懿渭南尉聽
字正思檢校司徒涼國公生左神武將軍琢甚右羽林將
軍慤嵐州刺史趙郡李氏出自秦司徒曇次子璣字伯
衡秦太傅三子雲牧齊牧趙相武安君始居趙郡趙納頓

弱之間殺牧齊爲中山相亦家焉卽中山始祖也牧三子
汨宏鮮汨秦中大夫太子詹事生諒諒生左車仲車左車
趙廣武君韓信北面師事之者生常伯遐遐字伯友漢涿
郡守生岳德文班岳字長卿諫議大夫生秉義秉字世範
潁川太守因徙家焉生翼協敏敏五大夫將軍生謨道朗
謨字道謀臨淮太守生哆華哆字子讓上黨太守生護元
護字鴻默酒泉太守生武昭奮武字昭先東郡太守太常
卿生讚修奕就修字伯游後漢太尉生諒叔訓季諒字世
益趙相生膺字元禮河南尹持風裁自高從之游者謂之
登龍門生瓌瓌瑾瑾字叔瑜東平相避難復居趙生志恢
宣恢字叔興生定臺獎碩定字文義魏水衡都尉漁陽太

守生伯括機叔括季括機字仲括太學博士臨江樂安二
郡太守生羣瓌密楷越楷字雄方晉治書侍御史避趙王
倫之難徙居常山五子輯晃芬勁叡叡子昂兄弟居巷東
勁子盛兄弟居巷西故叡爲東祖芬與弟勁共稱西祖輯
與弟晃共稱南祖自楷徙居平棘南通號平棘李氏輯字
護宗高密太守子慎敦居柏人子孫甚微與晃南徙故壘
故輯晃皆稱南祖晃字仲黃鎮南府長史生義字敬仲燕
司空長史生吉字彥同東官舍人吉生聰字小時尙書郎
聰二子真融真字令才中書侍郎融亦爲後燕中書侍郎
真生紹字嗣宗殷州別駕紹生義深北齊行涼州刺史義
深生駒駘隋絳州長史三子政藻政起政期政藻宣

唐世案

系表作宜

州長史生刑部侍郎叔睿

案唐世系表作睿

生林道游道諧

道游道相武后政期水部郎中生素立開

案唐世系表作蒲州刺

史高邑平侯素立生休烈鄭令休烈生鵬字志遠壁州刺

史鵬生畬字玉田考功郎中畬生承山南東道節度使鵬

弟升遠從遠希遠昌遠希遠晉陽尉生揚州左司馬并并

生峴規觀觀峴廬江令生固言字仲樞相文宗燕司空

長史義後有萬安自趙郡徙管城生頊頊生日知相中宗

南祖之後有善權後魏譙郡太守徙居譙生延觀徐梁二

州刺史延觀生續馬頭太守續生顯達隋潁州刺史顯達

生遷德州刺史遷生孝卿穀州治中三子敬立忱元素敬

立相唐高宗忱生欽一

案唐世系表忱生欽一作恍字欽一

元素相武后敬

立生思冲工部侍郎守一成都郫令守一生晤金壇令晤
生紳字公垂相武宗所謂短李東祖獻字幼黃高平太守
江陵寧公生勉字景賢頓丘太守大中正生頤字彥祖高
陽太守武安公四子勰系奉曾勰字少同蘭陵太守生靈
及均均字善德後魏趙郡太守生璨璨生元茂宣茂宣茂
後魏幽州刺史生籍之志之籍之字修遠司徒諮議叅軍
生徹徹生純及公緒公緒字穆叔後魏冀州司馬棄官賜
號潛居公生少連少連生守冲守元守素守素唐秦府學
士天策兵曹

○案唐世系表作倉曹

叅軍系字和叔後魏平棘男生

順字德正四部尚書高平宣王生式字景則濮陽侯式生
憲字仲軌揚州刺史濮陽文靖伯生希遠希宗希仁希騫

希禮希騫後魏黃門侍郎文惠公生元卿仲卿仲卿生文

琬文立文政仲卿爲中山王開府諮議政爲虢州司馬

唐世系表生思過思慎晉客晉客司農卿元氏縣男生正

悌正簡正簡唐司農卿生崗武城令崗生長倩元善長裕

長倩生絳案唐書本傳絳乃元善子此作長倩子不合字深之相憲宗生璆瑱

璋璋字重禮宣歙觀察使希禮字景節北齊信州刺史文

公生孝正孝基孝基隋晉王文學生野王東王野王東郡

功曹生襄城令鎮惡鎮惡生侃僑案唐世系表作嶠侃台州司法

叅軍嶠字巨山相武后生暢裕榮懿皆太守刺史東祖之

後又有諤隋南和公生左金吾衛將軍爽爽生太子中允

震震生鄂州司馬光朝光朝生鹽鐵判官仲塾仲塾生珏

字待價相文宗西祖勁字少黃晉治書侍御史二子盛隆
盛中書侍郎生纘襲纘字緯業太子祭酒生延休延字紹
元後魏假趙郡守生建連龜連曾孫搏固始令生惠明惠
明生新政令大智大智生尙一尙正尙父父字尙真中山
正公所謂李下無蹊徑者其兄弟文章同爲一集謂之華
萼集襲生閣閣生傑倅傑六世孫公敏生懷遠相武后懷
遠生景伯禮部侍郎景伯生彭年喬年彭年吏部侍郎倅
孫代和案唐世系表代和作恃和代和孫趙州長史彥宗生嗣真字承
胄御史中丞知大夫事常山昭子有傳盛弟隆後魏阜城
令生謀幕令謀孫元稱後魏廷尉元稱孫孝恭生懷柔懷
宗懷宗生隋謁者郎君逸君逸生肅然肅然生載載生栖

筠字正一御史大夫贊皇文獻公栖筠生吉甫字宏憲相
憲宗吉甫生德修德裕德修楚州刺史德裕字文饒相文
宗武宗生椅渾燧渾比部員外郎燧郴尉燧生因衡延古
因衡左補闕延古司勳員外郎遼東李氏璣少子齊趙
相初居中山十三代孫寶字君長後漢元菟都尉徙襄平
生雄車騎長史生亮字威明原武令生敏河內太守生信
信生裔裔字宣伯晉司徒廣陸成侯生固字萬基散騎侍
郎生志字彥道陽平太守嗣廣陸侯弟沉沉孫根後燕中
書令生宣鄴郡太守宣生晉○案唐世系表作貴後魏汝南公晉生
永太中大夫永生弼字景和後周太師隴西武公生耀暉
安衍綸晏椿耀隋開府邢國公生寬隋梁州總管蒲山公

寬生密字元邃一字法主兵敗歸唐拜光祿卿邢國公密
生右臺監察裏行知古寬弟偉生燉煌公檀檀曾孫澄義
成節度使武威郡王生克寧衍後周太官伯真卿肅公生
仲威仲威孫成休生泌字長源相德宗七歲賦方圓動靜
嘗與肅宗同輦出人指之曰着黃者聖人着白者山人諫
德宗不廢太子封鄴侯五子組高陵尉繁和州刺史緡咸
陽尉紘涪州刺史絢華州文學椿曾孫祖光生元素字大
朴戶部尚書江夏李氏漢酒泉太守護次子昭昭少子
就後漢會稽太守高陽侯徙居江夏平春六世孫式字景
則東晉侍郎生嶷嶷生尚字茂仲生矩字茂約江州刺史
生充字宏度中書侍郎生顓郡舉孝廉七世孫元哲徙居

廣陵生善昉善蘭臺郎憲文選舉人謂之書麓生邕字泰和北海太守工文章天下謂之李北海昉生璞璞生瑄起居郎生鄆鄆字建侯相憲宗以吐突承瓘所薦恥之辭相位去生拭起居舍人拭生礪字景望相昭宗卽劉崇龜掠白麻誣沮之而不得者礪生沉字東濟 漢中李氏漢

東郡太守太常卿武孫頡後漢博士始居漢中南鄭生郃字孟節司徒知二星向蜀者郃生固字子堅太尉三子基字憲公慈字季公燮字德公燮安平相十二世孫德林隋內史安平公生百藥唐禮部侍郎宗正卿安平文公百藥生安期相高宗安期生宗師宗臣宗元宗墨 柳城李氏二族其一世爲契丹酋長後徙京兆萬年令節曾孫光弼

太尉侍中臨淮郡王其一本奚族不知其氏至寶臣爲張
瑱高養子冒姓張氏後賜姓李爲司空清河王 略陽李
氏出自廩君之後世居邑西宕渠漢末大亂遷於漢中楊
車坂爲百姓害號楊車邑至將軍武始歸于魏遷略陽北
土復號巴氏武生東羌獵將慕慕生輔特驤庠流輔驤騎
大將軍特字元休宣威將軍長樂鄉侯以子雄僭位追諡
景帝廟號始祖驤驤騎將軍以子壽僭位追諡獻帝庠字
元序威寇將軍揚泉亭侯流字元通秦文王特三子始武
威將軍蕩驤騎將軍雄字仲雋位前將軍僭卽帝位國號
蜀在位三十六年諡曰武帝廟號太宗以兄子班嗣蕩五
子班瑒稚珩都班宇世文襲位一年而雄之子期戕之于

殯宮瑯中領軍稚將軍皆死於氏賊玠棄涪城奔晉都爲
中宗所殺仲雋四子越期霸保越建寧王相國大將軍錄
尚書事期字世運弑班而自立在位三年驤子壽廢之爲
邛都縣公諡曰幽霸保皆不病而死驤子壽字武考襲廢
期而自立在位五年諡昭文皇帝廟號中宗三子勢廣福
勢字子仁嗣父位五年而國亡晉封之爲歸義侯廣大將
軍漢王坐求爲太弟貶臨邛侯自殺壽養弟攸安北將軍
流子世位將軍又李庠妹夫西夷校尉含生二子國太宗
離太尉含弟胡將軍又有陰平令李遠將軍李恭大將軍
李傳廣漢太守李超陳倉令李武大將軍李濤司空李璜
司徒李雲漢嘉太守李乾侍中李豔大將軍李基又李壽

爪牙李閔鎮東大將軍李奕又尚書僕射武陵公載謀反
下獄死越嶲太守釗李雄待遇甚厚朝議皆決之又羅尙
西南夷校尉李毅又李特征西將軍遐皆爲李壽所殺越
嶲太守李演自郡上書勸壽歸正反本釋帝稱王壽怒殺
之左僕射李疑數以立言忤旨壽亦殺之 雞田李氏本

河曲

○案唐世系表作河南

部落稽阿跌之族至光進賜姓李氏光

進節度使光顏守司徒兼侍中

武威李氏見上平聲安

氏 代北李氏出自沙陀見上平聲朱耶氏

高麗李氏

正己爲三公有傳及表

范陽李氏自云常山愍王之後

載義守太保范陽節度使

渤海李氏靺鞨人茹常爲朔

方部將以戰多賜姓更名嘉慶其子懷光爲朔方帥位三

公以反誅李氏有董秦者幽州薊人自史思明賊中冒圍
歸李光弼召至京師賜姓李名忠臣檢校司空平章事

西域李氏唐乾元元年西域匿識

○案唐西域傳作識匿

國王訖俱

設伊俱鼻施

案通考作統設伊俱鼻施來朝此多一俱字○案唐西域傳與通考並同此疑誤

來

朝賜姓李氏

河南李氏後魏官氏志有叱李氏改爲李

氏

○案今官氏志無此文

西京雜記有李廓諫濟陰王興居反又李

黎一生一男一女以前生者爲長又茂陵少年李亨養鷹
狗皆爲佳名同州蒲城人郭子和及其弟子政子端子升
歸唐賜姓李氏婺州刺史夷國公

古今姓氏書辨證卷二十一終

此乃一
卷之三
三

